

溪梅

金氏宗譜

部 亥

VOL.1



Whole Volume

Tight Binding

Water Damage

○目錄

卷之一上

新序 舊序

金壇譜序

勅命

譜例

族訓

祖訓

金華祠廟碑誌

御史還鄉祝文

伯彥公墓誌

雁諱字三行字母

溫州市圖書館

WENZHOU LIBRARY



傳贊

卷之一下

像圖

梅溪宅基圖

墓圖

梅溪重建大宗託

南溪祠堂託

應川建祠託

祀產塋田

南溪四圍山場

和約

契據

議據

傳贊

卷之二上

世系

第一世 祖字行至三十三世 英字行

卷之二中

世系

第三十三世 英字行至三十七世 增字行

卷之二下

世系

第三十七世 增字行至四十三世 敬字行

卷之三

WENZHOU LIBRARY



排行

第一世 祖字行至廿八世 茂字行

卷之四

第廿九世 祿字行至三十一世 忠字行

卷之五

第三十二世 信字行

卷之六

第三十三世 英字行

卷之七

第三十四世 雄字行

卷之八

出下二本

第三十五世 貴字行

卷之九

上下二本

第三十六世 壽字行

卷之十

上下二本

第三十七世 增字行


卷之十一

上下二本

第三十八世 顯字行

卷之十二

第三十九世 紹字行





卷之十三

第四十世

睦字行

至四十三世

敬字行

金氏重修宗譜序

嘗聞求木之長者必固其根本欲流之遠者必浚其源泉源不深而望流之遠根不固而求本之長吾未見其可也宗譜世系之作也亦猶水與木然木之千枝萬葉悉由一本所生水之千流萬派究由一源而發宗族之千世萬代其初無非一祖所始厥後子孫繁衍支分派別世代愈遠則生齒愈蕃於是恐其世系之不明也則用譜牒以紀之然後親疏分尊卑別長幼序而孝悌之道彰矣然則欲宗族之興隆也可勿講求譜牒歟今觀永嘉梅溪金氏承少昊金天氏之後唐虞三代無可稽考至漢武帝時有休屠王之子曰日殫歸漢室封秭侯賜姓金氏延及唐代有諱永遠公者自金華溪下始遷於梅溪是爲本宗之鼻祖焉



夫梅溪之地山似幞頭水似腰帶地似蓮花洵乎天然佳  
 景蓋金氏之世居於此久矣而今日者子孫繁衍支榮葉  
 茂或居于他鄉或住于別縣既星散而四遷宜聯合于一  
 體苟不明其所自出不明其所奚居則同族之誼將年代  
 久遠不成路人乎前譜自民國丁巳年修纂迄今三十餘  
 載矣於是其地天錫壽康等懷追遠報本之念于民國戊  
 子暮春集眾商議即聘胡震天先生擇日開修按部就班  
 殘者補之訛者正之凡圖板遺失者而今重刊之凡先祖  
 之有道德言行足述者則繪之以像紀之以傳綱目井然  
 有條不紊翌年孟夏歲值己丑宗譜告成復囑序于予予  
 以金氏望族自愧不學無文未能抒寫其史實因不辭謏  
 陋而樂爲之序

昔

中華民國三十八年歲次己丑孟夏月下澣 之吉

章藻芹拜撰

常務理事	朝紳	清利	朝衫
名譽理事	惠	天然	玉林 鳳洲
校監	天福	土根	立中 玉如
出納員	天祚		
監事員	作繪	方志	星魁
譜長	溪下	朝衣	朝財 成文 朝北
		榮華	朝鏡 清達 立通
	西田	京樹	
	橫坑	清求	

華山 清桂

坐大潭 清象

三重坑 朝冠

石柱 玉豐

陳坑 鳳元

天明

爐山 時燮

興發 國欽

東山 錦魁

洪坑 梓庭

馬澗 朝傑

洋溪 立錢

南溪 賢枝

錫康

財丁

朝發

金塩 貫丁

爐深

應塩 福星

國溪 國苗

梅溪口 士格

立濟 良水

金村 清順

清繁

仁鐘 立毯

白花 柏森

烏巖頭 朝光

溪平 三媿

茅垵 朝升

茶坑 瑞林

黃塩頭 立言

錫森

錫旺

界坑 厚長

欽發

秉理

WENZHO LIBRARY



下平 國順  
應坑 津楷 克勝

戊子年重修宗譜共十六部每部二十本又草譜一部以

天地玄黃宇宙洪荒日月盈昃辰宿列張十六字編號

天字部 大畧 梅溪

地字部 梅溪

玄字部 南溪

黃字部 界坑

宇字部 黃塩頭


宙字部 應川

洪字部 梅溪口

荒字部 應塩

日字部 洪坑

月字部 烏巖頭



盈字部 金村

艮字部 仁鐘

辰字部 金塿

宿字部 嚴州洋溪

列字部 蘭谿雙排

張字部 馬澗

草字部 梅溪

○梅溪金氏昭穆圖序

金氏之先自出少昊金天氏經史不詳載至漢而休屠王之  
 子日殫歸漢國因休屠作金人為祭天主武帝賜姓金氏封  
 秬侯後為顧命元勳奕葉榮顯由是枝葉昌熾散處天下諸  
 侯之國文爵武功光照竹帛彰匕然可攷矣 鼻祖道公唐  
 時金華徙居甌之永嘉梅溪以耕讀為業世守清白而無諂  
 無驕無一毫之失節藉祖澤遺芳後嗣益繁傳世既遠昭穆  
 茫昧故老凋謝無所稽考嗣者病焉予於暇日謹按譜牒畫  
 為宗支之圖世經人緯繩牽系聯分為上下以別世次自仁  
 率親等而上之自宗率祖順而下之則親疏遠近輕重隆殺  
 各有條理服制由是而可推孝敬之心油然而生焉何者禮  
 樂而已矣夫惟天高地下萬物散殊而禮所以生流行不息



合同變著而樂所以著人受天地之中以生則禮樂具於心存之而爲敬被之而爲和故用之於身而身修行之於家而家齊其本不越乎昭穆昭穆嚴而各分正斯圖之作上自始祖下及於今雖數百年之間瞭然在目凡遇節次死生忌日掛於祠堂子姓各以世序不失其倫進退有容獻奠有禮仁義之懿秩然而可尚也矣詩曰奏假無言時靡有爭將見廟慶之未和氣攸萃豈不在茲乎吾宗幸際

聖朝雍熙之治甄陶禮樂之化何其幸歟後之子孫世世尊承罔或數怠則金氏世祚豈不緜遠於無窮即詩曰靡不有初鮮克有終予不無望於同宗共祖之賢者云 昔

大明正德辛卯歲季秋月望日

將仕郎福建漳州府龍溪縣濠門巡檢司致仕孫懷義書

○梅溪金氏族譜序

自古帝王建邦植本恆以宗法爲急天下一姓周武王姬姓子姓繁庶分爲各姓以盛德業昌闔族諸侯大夫及士庶人亦莫不然蓋天子之宗法不立本宗無綱維支庶無統率事親之禮行昭穆則不亂所以宗譜會族人以廣其傳排分行次喪葬婚姻無一不備今觀鹿城梅溪金氏承五帝顛頊金天氏之後唐虞三代無可稽查至漢武帝時有休屠王之子曰日磾歸漢室封秭侯賜姓金氏七葉侍中歷傳既久子孫星散四方不及詳載本宗自福建之長溪徙於金華然世遠人亡爲子孫者聊見口碑之傳誦豈指掌之可輪居金華者諱唐道壯八府君授值隸鎮江府通判解綬榮歸宦囊甚盛其子德一公充萬戶總督糧長稅納於溫王事既畢旋歸

故里道經梅溪古有一庵名曰太平遇晚安歇值天淫雨阻  
畱數日觀其山似幞頭水似腰帶地似蓮花與長子善四公  
言曰祖居反不若此默存乎心遂賣金萬餘逕至於斯置腴  
田創華屋而居之自祖一公至十世有達二府君文武超羣  
是龍德年間從征遼金遼金之寇稽首降伏屢遷爵秩官至  
都督府叅謀學士至十七世清二府君諱紫芝字蘭所宋理  
宗二年任永康縣主簿行清三府君任仙居縣尉二十一  
世孝義府君生元朝至正壬辰三月初三日形體殊異足底  
有三黑痣

大明洪武乙丑年擢中賢良方正科進士初任安康府通判轉  
陞楊州同知蒞政清勤

勅賜進階楊州府知府越二十四世行宗三府君諱懷義成化

庚子任福建漳州府龍溪縣濠門巡檢司獲寇有功轉陞江  
西瑞州府新昌縣以承家道殷富隱居不仕連朝榮顯聲譽  
昭彰金氏之子姓有居本里者散各處者俱奕葉雲仍家聲  
赫赫迭充糧里靡不欽遵王道正謂風行而草偃也其高堂  
華厦如暈之飛傑閣崇臺連雲之美自非積久何能至此至  
二十五世祖曰尙雷公輩每慮本里有溪名曰山峽山水不  
時凶暴煙霧傾刻迷茫損失人民難計其數昆季商議正德  
元年排充糧里深恐公文耽誤具呈

本縣縣主汪公批執印疏構造樑橋完備不久又被水衝  
仍造丁步積德之深不但於斯已也又建造庵堂一所各  
曰應庵又一所名曰葉平又一所名曰潘坑各裝佛像俱  
置香燈田畝招人住管以便客商之往來行旅之宿息金



氏祖宗顯於前而子孫承於後豈不餘裕乎易曰積善之家必有餘慶後世爲公爲侯端可望矣君子鑑之

皆

嘉靖辛卯年十二月望日 穀旦

劉文尚撰

○詠修老宗譜序

萬曆四年仲秋吾族諸耄耄見家乘之殘圯議纂修之舉顧余而言曰世系不昭宗支混淆非所以垂宗範也盍輯譜乎因延衆族訂確丐賢爲編輯之司適李君講學於茲懇其珠玉繕理遂按局循舊朝夕參考越數月告成余披而嘆曰有倫哉其宗支之圖乎本始詳明而自出之源遠矣雁行周悉而敘次之義昭矣非有道之儒曷克臻其妙哉噫譜成可喜矣抑孰知有可惕者乎余嘗讀毛傳其語曰天罔常懷惟德是歆深有味乎其言之也昔吾族之在古葵者往事也然則遡樂安九龍溪東甌梅溪壽一壽二二公而已初未始有一戎一旅以爲之藉也乃瓜賦繇七椒聊蕃衍以迄於今雞犬桑麻依然安堵亦云盛矣非先德格天所致乎撫成業者可

不求世德以永天眷哉詩曰秉心塞淵騷牝三千易曰天助  
順人助信其斯之謂與是集也上以創垂之下以續成之喜  
詔爾後昆固望爾雲仍世守麟趾振匕裕後裔以光前云爾  
毋曰此篇什之陳也而弁髦之

肯

大明萬曆四年仲秋既望 穀旦

世孫秉俊薰沐拜書

○金氏重修老譜總序

余嘗讀漢史三傑入關獨蕭何先拾圖籍後爲定漢之首功  
噫拾圖籍何爲功哉以其垂世者重也吾聞天之垂世以日  
星地之垂世以河圖帝王垂世以鑑史聖人垂世以六經天  
地帝王聖人域中四大皆有垂世而家族可獨無乎吾故知  
家之垂世以譜也粵稽東甌梅溪金氏其上有伯彥公食采  
湖廣姓著三楚迨梅山公任閩福長樂令年邁子幼遂君任  
所遷塘半街爲長樂鼻祖傳十餘世至晉時曰登一公官內  
翰謫括蒼同戶轉遷金華刺史出之閩長樂人也秋最罹世  
亂不旋故土子二朝奉奠籍金華溪下世居焉公實爲古婺  
之鼻祖也歷世既久譜籍滋腐已難備誌是以九龍溪秉文  
君偕姪景承君慮夫宗譜失次長幼莫別再一二傳必紊越



矣遂集梅溪秉雍秉錫君議修宗譜以篤親長之誼  
余以序余與金氏辱在瓜葛不揣樛櫟一遵其舊而重新之  
則以唐侍中尚書道世八公爲始也公諱道乃金氏一世之  
祖二世永遠總督萬戶糧長三世善四世壽一壽二世襲  
糧長運餉東甌觀其青峰屏嶂碧澗環流喬遷得所各其地  
曰梅溪下公乃溫郡之始祖也弟壽二徙樂安九龍溪贅呂  
氏觀龍山凝紫蟠水澄情卜居於茲各其地曰九龍溪下公  
又爲樂安之始祖也人以地傑地以人靈故凡名溪而金姓  
者皆是吾族也傳至十世仇爲督府僉事十一世文明爲教  
諭十二世瑞徵朝奉十三世象明朝奉十四世德春爲按察使  
德韞爲令尹德截爲庶常吉士十五世大用爲侍郎十六世  
寧爲尚書十七世庚三爲主簿庚八爲縣丞廿一世孝義爲  
府尹廿三世懷義爲巡檢克後爲侍郎若金氏非所稱閱  
家哉自唐而宋自宋而元自元而明代數易也自湖廣而閩  
福自閩福而金華自金華而樂安溫郡地屢遷也其祖宗功  
德鱗比炳比傳於後世者非恃此譜牒之無恙歟延至八世  
徙五雲南溪十七世徒關鎖溪十八世居茶溪溪平十九世  
居北溪東坑大源西岸支分星列猶藩封而邑建各宗其祖  
孰知其始皆出自道世八公也余爲定其雁行正其敘次庶  
千百年而其名可考千萬人而其分可辯故斯譜一成卽不  
必春秋合祀於廟歲時會拜於庭而親比長比之風油然而  
生寧第比數族之遠哉是爲序

皆

大明萬曆四年七月

穀旦



郡庠生李光衢拜撰

○金氏重修譜序

譜之繫乎世教大矣昭穆以之而序族義以之而敦昭揚先德後人有興感也夫宗族之行支分派渙傳於久遠子孫賢不肖殊科非有譜牒以揭示之則易究水木之本源以相敦敘而勿替哉此士君子欲之敬尊祖宗篤厚人倫而光前裕後者必汲七乎譜牒而不可緩也按梅溪金氏之來姓雖肇乎金天派實本於金華歷代縣延譜帙遺失唐時有諱永遠公者自金華溪下始遷於梅溪自非巨族各門豈得與比親誼然族派繁多如星之散往來相視不異途人今有二十世孫秉格秉階秉茂守姪潭守楷景寧輩思祖宗之源敦睦之義不以富而援不以貧而棄勿憚百里之遙登山渡水遠來徵余之文以彰其出處履歷之詳祿位功業之實使後人觀

此沿流溯源知孰爲昭孰爲穆孰爲親孰爲疏某祖德之厚者所當尊某祖德之懋者所當紹愛敬之心油然而生繼述之志慨然而起相與致夫敦睦而無忌之心也吁水有分派之異而源則同木有枝葉之殊而本則一人之身則饑寒者安得不恤服遠近之別推其源則本於一人之身則饑寒者安得不恤困厄者安得不救耶此譜之作大有關於世教也若金君者可謂有功於祖宗有功於族衆而無愧於先人矣則金氏之孫尚當繼之繩之斯族於悠久可也因其請以遂其意是爲序

貴

賜進士出身授北京給事中轉陞廣東道參政致仕歸田

仙邑清尚吳廉撰

○金氏重修宗譜序

譜之興曷爲始乎所以世風而振也何也粵自大道既隱而人各親其親各子其子是以講修睦以大道公者三代由其選也惟而人敦親睦能以范文正公之心爲心者雖不譜猶譜也君子無患焉自是以後世變俗偷厯唐宋尤不可以遠近爲同異以彼此爲親疏甚至以富貴貧賤而爲高下者滔匕皆是也噫薄亦甚矣不有君子而維之則愈趨愈下九族之義奚敦乎歐蘓二公懷乎千載之下深思天下之化自閩內維右之風而譜攸興所以親匕而睦族也二公爲家慮可謂至矣雖刻薄之徒觀之者寧不翻然而興乎夫譜之義大矣哉自仁率祖而上之尊尊也由義率祖而下之親匕也合族以會序之以昭穆而人道備矣且一家言之世之十百



人之千萬邈其源流同一宗耳然一視同仁雖聖王普及天下況一家之中豈可有湖越之視乎余見當世之人立一赤幟樹一家門牆同祖而異視本宗而殊觀爭長競短倚勢凌寡至親於路人不知以類者何謬哉誰不知以吾身視之固有親疏以祖宗視之則無親疎也何若是之愒置耶所以然者咸以譜牒之立故也是以孝以順之子孫敦合族之義以此爲急修而圖之將以異爲同聯疏爲戚不致家聲之有墜焉耳矣使譜者德業相勸過失相規貧窮相濟患難相恤何古道之不可復乎或少凌長卑踰尊貧貪富貴虐賤雖譜也有何益矣吾觀金天氏之先出自少昊金天氏之後有七葉侍中諱金伯彥者食采湖廣歷傳久遠續有梅山公在長樂縣尹徙福建遷浙江括蒼復居金華溪下然亦世遠人亡爲

子孫者聊記口碑之傳誦豈指掌之可輪世居金華者亦以久遠誠自唐道世八府君任直隸鎮江府通判宦囊充足其子曰明一公充戶總督糧長稅納溫郡王事完足旋歸故里道經梅溪古有一庵名曰太平遇晚安歇值天淫雨洪水橫流行者病涉阻畱數日詳觀勝境山似僕頭水似腰帶地似蓮花與長子善四公言曰詩不云乎維岳降神生甫及申地之靈者生人必傑我若爰居爰處後昆盛矣子性聰敏尤通地理唯也而起作速應曰是矣是矣遂聚族於斯買田築室創祠堂以存宗祀至世延十世祖曰仇字原遠公者天資明敏爲文立就武冠京畿召征遼金遼金之寇稽首俯伏屢爵祿位官至都督參謀學士越至十七世清二府君授金華府永康縣主簿清三府君授仙居縣尉二十一世祖曰孝義府



君文學超羣形體殊異足底有三黑痣洪武乙丑年兼以人  
才擢中賢良方正科進士初任授安康府通判轉陞揚州府  
同知蒞政廉敏

勅賜進階揚州府知府越二十四世祖曰懷義公任福建漳州  
府龍溪縣濠門巡檢司獲寇有功轉陞江西瑞州府新昌縣  
縣丞家道充足自甘致仕族屬昌盛富貴蠟聯苟非陰隲而  
能然乎逃避高寨族譜雨露滋滉兼以年久上卷支幹世系  
僅可觀閱下卷行次生忌嫁娶事實朽腐多矣二十世祖曰  
廷心公者貫通經史專以譜牒爲事觀譜腐爛目擊心傷告  
諸衆曰但從宦者墳壙誌家珍藏

勅誥祠有篆刻碑記口碑奕世講傳無毫差錯族衆諱各只得  
照古排列嫁娶事實不明二十五世叔父秉相乘階公輩請

仙居周先生修輯經今五十四年嗣令孫曰業曰依輩延請  
叔敬翁修整支幹系圖行狀墓誌八景詩章俱得全備指余  
告曰梅溪金氏乃余妻父家也譜牒請爲修輯願吾姪代爲  
文華序請譜首余曰梅溪金氏姪與奕世瓜葛叔父爲請曷  
敢違乎古曰夫譜者所以慎同異美人倫無所據而強加之  
誣其祖者有所據而反削之遺其先者也誣祖不孝也遺先  
亦不孝也賢達始是更冀投名師居雪案親燈火異日登雲  
梯步月殿可拭目而待也不揣蕪陋敬承叔父之請故爲之  
序

皆

大明萬曆十六年歲次戊子季冬月 穀旦

署台州 仙居縣儒學教諭白川陳 白奉撰

○金氏重修宗譜序

夫人祖有功而宗有德能慶衍於子孫歷千萬禩而不替者非恃此譜牒之無恙歟譜之係於人也大矣哉三代以還歷漢唐以及我

朝金氏之族燦然於當世苟欲溯流窮源亦豈無所自哉而其先蓋古婺溪下人也唐始祖處士祖道一公以耕讀爲業世守清白厭城市之紛囂樂山林之逸趣有出谷喬遷之志棄舊圖新之舉因自金華徙居永嘉之西溪欲卜宅而居焉乃陟高崗窮覽山源前後左右並無稱其懷者獨有一地形勝非凡前列朱雀之保障後聳元武之峰巒其脈遠而長其山挺而秀泉甘而土肥溪環而帶逶權貴非所尙售獻非所覬耕可以贍分以守後之子孫世世賴焉遂居之名曰梅溪



公蓋梅溪之始祖也繼此兩支派繁衍星列棋布猶藩封而  
邑建各宗其祖孰知其始皆出自德一公也至二十一世孫  
孝義公賜進士出身授揚州府知府至廿四世孫懷義公將  
仕郎授福建漳州府龍溪縣濠門巡檢司因年邁辭歸故里  
言念子姓散處雁行失序地隔居遙幾無荆識再一二傳必  
至秦越矣乃奮然而倡修宗譜今明選榮斌輩天姿穎悟性  
度超羣沉潛於詩禮之中匹休於仕宦之交建宗祠以崇先  
祀與義方以訓後嗣事無大小咸決於公公區畫有方人皆  
信服每排難解紛使人無訟故鄉曲之中聲譽日著而且雍  
雍乎兄弟之睦恂以乎朋友之僚襟懷風來月到識量海闊  
天高爲人之鳳志氣霄冲爲人之龍節概雲漂允矣超邁哉  
忽一日二公舉譜授余余覩其蠹虫損傷混亂殆甚倘不急

爲重修之將自此者化者化生者生必至失錄殘缺如是可  
爲之譜乎爰是今歲孟冬公遂會集諸君議修舊譜以篤親  
長之誼委任爲予予與金氏辱在雅愛因不揣樛櫟欣然捉  
筆爲之定其鴈行正其序次合衆族爲一大宗各爲一小宗  
庶使數百年如一日數千人爲一家也故斯譜一成不必春  
秋合祀於廟歲時會拜於庭而親親長匕之誼油然而生譜  
之有功於族豈淺鮮哉或者曰族之有貴而有賤家之有富  
而有貧人之有賢而有愚萬不齊也今欲以萬不齊之中使  
之齊焉不戛匕乎其難矣哉余曰莫若行先王之法先王之  
法行於家則一家仁矣先王之法行於族則一族仁矣行於  
天下則天下仁矣天下者族之積也張子曰不能行之天下  
猶可驗之一鄉金氏能行之於族則後日行之於天下者自



此始也佞不膺纂修之責敢以自為序云  
嘗

龍飛康熙五十四年孟冬月 穀旦

楊志高拜撰

○梅溪金氏宗譜序

夫族譜之制其義大矣哉所以推本始明支派敦禮讓而厚風化者也周官有小史掌其職以奠世系諸侯世國大夫世家生有宗卒有廟攸傳百世之遠而不忘其緒者賴世系宗法之有在也降自暴秦始滅其國立郡縣罷封建諸侯不世國大夫不世家宗法不立世系不傳雖故家舊族有未免墜祖宗之道況其下乎至後之君子有能識其先而欽其訓者則由譜牒之力也是故名門巨族以此為家之珍也嗟七世易時更支分派渙屢經於遷徙之後復遭於寇燹之餘斷簡殘編尊卑紊亂譜牒廢而不傳支系斷而不續或星散各處遐邇不知親疏莫辨偶逢宴會視若途人良可愧也故曰為人後者必窮本源於九族之上明宗派於五服之下苟非孝

子賢孫其孰能用心於是哉第金氏尊親余忝至戚距舍甚邇時趨左右抵掌相談一日拱出家乘以示余余稽其先實出金天氏之後至漢武帝朝有休屠王之子曰日磾率弟歸漢初拜馬監繼遷侍中後以討馬何羅功進爵秬侯賜姓金氏後世子孫卽以金姓各焉瓜賦縣延祚衍蕃昌歷傳久遠遷居古姿溪下至唐祖一公充督糧長漕運於溫竣納族歸道經東甌之梅溪視山明水秀虎拱龍蟠誠人間之靈地也由是謂震器善四公賚金置產卜築而奠居焉枝幹森比英才濟比爲東甌望族至十七世紫芝公之長子居梅溪次居巖屋三就產鐘川赫公之子見其黃壤之峰巒聳翠地勢之鐘靈毓秀遂聚族於斯焉公乃積德彌深後嗣流芳赫公之裔散處縉邑而居巖背美哉賢士挺生濟比多人庚八公由

貢士而任仙居縣丞其視封內之山川秀麗都鄙之環圍公乃遷喬得所而居於此名曰金村然子孫之分派各別而居處亦殊以云住祖處而徙五雲如舜六而居界溪者固是庚八之苗裔佑二之子孫而考其源邇其流皆出於德一公之始祖也幸上世有昆山鳳山公輩延桃源應君復爲編輯迄今已有年矣中間頗多蠹腐失簡幾不可考後令裔孔璋孔明明略明韜明通榮褒榮倚榮叨榮壽亨延君武輩克盡孝思續承先緒以譜牒之歷久殘缺失次因會族商議備衣冠加禮貌捐余而言曰吾祖道一公歷唐迄今青雲踵接衿佩肩摩亦云幸矣然而族譜之修自康熙甲寅以底於今行殘編斷不可復記更緩其事卒至壞爛莫救而以爲後人券故特命余修輯余亦不揣謏劣妄敢自擅做諸蘇武前畫支圖



以見本源析派之所自後列行狀以見先世德義之可慕歷  
孟冬月日告成復囑子序其端予謂家之有譜猶國之有史  
也紀事雖有巨微其爲實錄則一也是以家譜不尙浮華靡  
麗惟在據實載德人不尙矜誇富貴惟在好善尊賢載德則  
事蹟可徵好善則禮讓可勸凡此之類可以起發人之良心  
亦可懲創人之逸志俾後閱者而感動於中則庶乎尊祖敬  
宗愛親睦族之心油然而生勃然而興誠有補於世教者也  
我故曰族譜之制其義大矣哉

皆

龍飛康熙五十四年歲次乙未孟冬月

穀旦

眷弟楊志高拜撰

○金氏大宗行表序

夫行表者表合族之義也故睦族之道莫先於行於以敘年  
齒別長幼五服盡同是行則祖宗一體之義明矣此昭穆序  
成周所謂愛其親者此道行也爲子孫者苟能探君陳友于  
之旨咏伐木無遠之詞則睦聚之念以篤而角弓之怨自忘  
矣所謂不出家而成教者非有在於是乎舊譜以行系之圖  
非古人立譜之意也今於行下書各書字以及婚姻葬墓行  
誼可表者則爲之小傳以附於後其舊譜所傳者皆仍之不  
復釐正蓋信以傳信述不作之義耳夫傳者傳也善則傳之  
孝子之道也凡爾君子孰不欲顯揚其親哉但善而不傳非  
孝也無善而傳之亦非孝也故無臣爲有臣而反蹈乎欺者  
若生者例不得書傳蓋丈夫生平志行必俟之厥終以此也

殆非嚴也以事未完也其有傳者悉具行狀云爾  
皆

龍飛康熙歲次甲午冬月朔吉旦

劍川張子高撰

○梅溪金氏重修宗譜敘

嘗思家之有譜猶國之有史譜也者所以明祖宗之根本視  
子孫之賢哲者也然而世遠年湮綱常溷各分亂以其文獻  
不足皆由譜牒殘缺故也余觀梅溪金氏之譜喬木之枝源  
泉之流如七政之麗天九州之行地晨昏有相接之禮歲時  
有序會之期乃祖乃父傳至於今縣且遠矣而且散居四方  
或遠或近雲山有聚隔之際何子何孫如汾陽之莫辨誰長  
誰幼難同子姓之燕毛何兄何弟幾如秦越之國矣幸有三  
十一世裔孫明統明良榮高榮陞榮璋榮祥元法亨陞等善  
繼善述延師修輯譜牒昭然所以序尊卑別長幼也所以聯  
親疏辨貴賤也所以紀德行錄事功也是今告成之後願祈  
子姓兄弟安其分之所當為竭其情之所難已行孝友仁人



之道存於家庭施之黨族使其老以幼以知人倫之不易而  
今而後如金闕之鷲序躋七躋七焯然可敬也如雲端之雁  
翔翮七翼七肅然可樂也迨考其先世之微猷功烈善行誠  
足令人之企慕也耶猗歟休哉梅溪金氏之望族各宗良有  
以也

皆

龍飛乾隆二十九年歲次甲申上浣之吉

樂安眷弟吳鑑英頓首拜撰

○彭城金氏重修宗譜敘

夫家之有譜猶國之有史史不修則國家治亂興亡無所統  
忠佞何由而勸懲譜不修則一族昭穆尊卑無所考親疎何  
由而隆殺譜牒之設上明始祖下分苗裔水源木本歸於一  
脈猗歟休哉譜之所關大矣余閱金氏之上祖始自伯彥公  
食采湖廣著姓三楚梅山公任閩之長樂令登一公任括蒼  
司戶陞金華刺史蒞政清廉附籍金華溪下厥後子孫有譜  
道公者官至尙書始遷於甌之永嘉溪下居焉越數世諱紫  
芝公任主簿孝義公仕揚州同知簪纓閎闊袍笏聯珠班  
可考難以枚舉余毋庸贅且譜所以序昭穆聯族姓正訛錯  
辨源流爲子孫者上思祖宗之血脈下啟孫子於將來豈不  
思先人始創之艱哉幸有賢裔諱元謙者念譜業廢茲嚴缺

恐難編輯命長君亨淳爲總理淳遵父之命不敢有違遵同  
各派會諸族人商議修譜之事衆齊聲允諾淳慨然一力應  
承毫無推委而君不辭寒暑之勞胼胝之苦始於庚申之秋  
竣於辛酉之夏嗣是昭穆以明親疏以別長幼以序尊卑以  
分益斯螿螿趾振七書曰無念爾祖聿修厥德詩曰靡不  
有初鮮克有終豈非光於前而裕於後也哉際茲譜牒重修  
請於余余才學疏淺不辭固陋聊表一二以俟之後賢執事  
諒焉於是乎序

峇

龍飛嘉慶六年歲次辛酉荷月上浣之吉

邑庠生周秉松拜撰

○梅溪金氏重修宗譜敘

余按梅溪金氏世系始自金華肇居東甌遂爲永嘉望族厥  
後瓜絲椒衍碁布星列者不下數千家較之鐘川之楊羅垵  
之麻尤稱盛焉其先世各公卿累牘連編所以明著其始而  
聯繫其族屬自歷代迄

國朝修輯數世圖則璧合珠聯傳則雁行鷺序信煌煌鉅觀也  
至嘉慶庚申續修因地遙歲款不無缺略之處衆竊憾之越  
道光戊子族中房長 等切敦敘九族之誼盡心竭力不辭  
艱難遂會同各派老成倡衆協志續修設局於梅溪家廟凡  
前此之遺漏者悉照次編入斷者續之缺者補之經歲告成  
余得睹其全帙乃知尙書道公爲東甌金氏之鼻祖其後散  
居各處者十餘所自西岸呂前分修外其餘若黃垵頭界坑



梅溪口應煥暨縉之南溪仙之茶坑溪平金村仁鐘支分派別其中尊卑明長幼序親疏別書生書卒書配書適里居條析壙域詳明秩然有體井然有條自源徂流瞭如指掌所得諸各公序跋凡數十首辭文而事核足為久遠之徵蓋金氏之為世族既富且庶矣及此益知其所自德善世積孝義有傳固宜一言以誌其美夫譜牒之設所以尊祖而收族仁人君子鮮不究心於此故三世不修譜謂之不孝金氏族長憊以此於此非至孝者其能與於斯乎雖然孝之道大矣廣矣有非一言所可盡試求其要則聖訓孔彰始於身體髮膚不敢毀傷終於立身揚名以顯父母慎修其始而勉圖其終非為仁人孝子所當務哉予舉數大聖人之明訓為金氏之族人告誠能相與篤信而力行之則其族之盛大有加無已孰非

其所自致哉金氏之開其先者可謂盛矣繼其後者又豈無人哉倘能誦大聖人之訓與先世之誥我子孫以法守者則必知所以光前裕後敬宗收族而不等至親於途人也其庶幾矣

皆

龍飛道光八年歲次戊子陽月 穀旦

括蒼東樓邑庠生應國楷岐楊氏拜撰

董理譜事族長

亨阜 亨培

亨堯 亨旺

君昌 君宰

君銓 君富

君賢 君南

君儻 君椿

方泰 方楚

朝燦 君華

方榛 君明

方圓 君玉

方績 亨高

亨宇 亨宣

亨安 亨松

○梅溪金氏重修宗譜敘

大凡作於上者而無以應於下則德孤創於前者而無以續於後則道廢此若考之作室必須厥子之肯構祖宗之有譜猶貴後人之續修也昔者堯有大宗之誥舜有明倫之訓禹有錫恩之典成湯命伊尹以明人倫文武命周公以序昭穆古之聖人未嘗不以和宗睦族為要也生其後者誰無水源木本之思今金氏之上祖始自伯彥公食采湖廣著姓三楚梅山公任閩之長樂令登一公任括蒼司戶陞金華刺史蒞政清廉附籍金華後又有諱道公者官至尚書遷於甌之永嘉溪下居焉越數世諱紫芝公任主簿孝義公仕楊州歷來簪纓閱袍笏蟬聯難以枚舉非賴譜牒之傳何以知先代聲靈之赫濯哉儻不修輯則行第無序尊卑紊亂長幼莫辨



親者或至踰尊疏者亦將踰戚少者未免凌長衰貶不明善惡不分而手澤漸至湮沒以至生卒婚娶缺略者概不可稽況金氏自尚書道公以後世遠人繁散居各處者十餘所從西岸與呂前分修之外其餘若黃塢頭界坑梅溪口橫排應與縉之南溪仙之茶坑溪平金村仁鐘河橋外有洪坑前譜失修今以增入支分派別易有錯落自道光戊子至今已三十載矣族中房長等切敦敘族之誼盡心竭力不敢憚勞聚會各派老成倡率協志續修方得以承先代尊祖敬宗之心後人歲時考閱循其流以溯其源卽其枝以考其本孰爲昭爲穆孰爲親爲疏孰爲長於前孰爲幼於後或有嗣而傳之或無嗣而繼之生者或婚娶於某姓某村沒者或安厝於某山某地敬所尊而愛所親重禮教而崇信義具慈祥愷

惻之心有禮義廉恥之化莫不於茲而燦若日星也金氏之族盛且繁矣創之於先者可謂盡美繼之於後者亦必有人焉見先世之詒厥孫謀則知所以承先啟後睦族和宗而尊以親以之念油然而興起矣其有俾於風化也豈淺鮮哉

皆

咸豐六年歲次丙辰桂月之吉

五雲頂深山頓首拜撰

董理譜事族長

- 亨坤 君煊
- 亨詒 君餘
- 亨旺 君彪
- 亨漢 君錫

朝廉	清位	清梓	亨敘	亨業	亨靜	亨堯	亨禹	君椿	君美	君海
	清絨	清耀	清魁	方炳	方耀	方喜	君華	方年	方斌	方槐

○梅溪金氏重修宗譜敘

譜者布也屬也所以布列其世系聯屬夫渙散俾後子也孫  
 以知木本水源之所自也金氏系出金天氏發源羅山公各  
 人仕宦前序誌之詳矣無容贅及惟自西岸九龍溪分修以  
 外猶有黃墘頭梅溪口應墘坑界坑及縉之南溪仙之金  
 村茶坑溪平紛也碁布星列殊難枚舉粵自咸豐丙辰重修  
 至今越歲二十有四其間老成彫謝後起迭興儻逾年逾遠  
 必多忽略所以會聚合族老成舉議修事設局於梅溪之古  
 廟而諸公屢赴各處訂誌捐資各自賫路齋未嘗糜費局內  
 分文何其勤而儉公而廉也先於戊寅孟秋擇吉告廟開盤  
 刷印越次年己卯三月上浣得告竣焉自是置譜例以示則  
 立家規以垂訓謹世圖以別其支派列行第以序其昭穆子



必名於父之下尊其所自出也諱字或有未詳本其所自逸也倫類欲其不失婚嫁姓氏之必書也久遠欲其不忘生卒兆宅之必誌也且立傳以彰善使賢者知所勸削各以痺惡不肖者有所懲何哉一國之哀鑑懸於史冊一家之清議備於譜乘也金氏世德相承薰陶有素祖先貽謀之善一本同宗之誼呼吸相通之情皆於此而會通焉此所謂喜相慶憂相弔貧窮患難相恤春秋享祀歲時伏臘相與而會聚者情彌親而恩彌篤矣故曰布列其世系聯屬夫渙散也予非能文但諸公懇切囑予作序豈敢固辭爰乃謹添微毫附諸簡末俾後之孝子順孫令緒而引伸之於萬斯年而勿替耳

晉

大清光緒五年歲次己卯三月上澣

穀旦

五雲庠生胡玉泉夢庚拜撰

董理譜事族長

- |    |    |    |
|----|----|----|
| 君壽 | 君錫 | 君信 |
| 君斗 | 方棟 | 方銀 |
| 方玉 | 方年 | 方標 |
| 方蔡 | 方桂 | 方彰 |
| 方亮 | 阿河 | 光名 |
| 朝寵 | 立有 | 成有 |
| 國山 | 清奇 | 清擔 |
| 錫釵 | 錫貫 | 加銀 |
| 方陳 | 清正 | 清周 |
| 朝見 | 亞餘 | 少還 |

朝森	朝傑	炳旺
方仁	清貴	朝候
朝雍	阿洪	亨河
君前	君益	君載
方助	方譜	有財
君根	清富	君林
君後	君先	君瑞
君海	君材	君法
方金	方成	朝乾
清枝	清瑞	上督
國爵	君棟	君祥
方乾	亞四	

○金氏宗譜敘

丙辰夏余山居岑寂方欲偃枕高卧忽小孫來報有不速之客三人來余披衣出視乃是同宗兄弟一則南溪清法一則界坑清松也其一則儒冠儒服態度超羣知是各家貴胄因問尊客何來二兄曰此乃五雲胡村即前次任修吾族宗譜胡玉泉先生之嫡孫台甫彝巖也余曰久仰斗山忽親顏範何幸如之胡先生遜讓不遑當時四人坐論情甚相投而清法兄忽然曰吾家自婺州播遷以來歷年幾百閱世數十其間派衍支分或徙居於外府外縣或散處於本郡本都各能長幼有序親疏可指者其故何哉余曰以宗譜之無恙也兄曰若是乎譜之所關大矣哉乃吾家自光緒戊寅重修以後迄今將四旬矣苟再坐視不理則生者生卒者卒以及嫁娶



喪葬未免有遺失之憂吾族何不就胡先生而更新之余曰地廣人繁倉卒難以集事況譜中奧旨余平時素未研究何敢自任仔肩兄曰吾家自孝義公挺生之後文人學士落也無多今吾弟幼歲遊庠中年入貢可謂無愧於祖宗矣何自謙之若是余無詞以對因集眾會議即與胡先生訂明條約眾遂推余爲監訂予乃取前譜而披閱之見其前列支圖若網之有綱後詳歷履如雁之有敘因慨然曰美哉譜之規制也於是承其舊例正其缺誤經始於丁巳仲春告成於戊午二月一家之史冊煥然一新數十世之若祖若孫孰興孰盛無一不瞭如指掌謂非吾家之拱璧乎工將竣諸族長囑序於余也想始祖之肇興以及列祖之榮顯前人序之甚詳茲無庸贅因述二兄慇懃之言與胡先生相遇之始叙以數言

弁諸簡首聊爲後人所觀感云耳

昔

中華民國七年歲次戊午杏月 吉旦

己酉科歲進士監理譜事三十六世孫碧暉沐手敬撰

董理譜事族長監理 方彰 碧暉

總理 道德

分理 清濤 清琢 清深

清松 清達 華堂

西田 方海

華山 方池

橫坑 清祥

石溪 朝熙 朝溪

石柱 方柱

南溪 清旺 朝財 朝榜 立典

黃塢頭 國池 立清 錫熬 敏宣

梅溪口 朝法 朝瑞 朝成 朝德

應川 方智 清吉

仁鍾 清泉

百花 方啟

應塢 立標 立登 立淦

界坑 清松 錫祥

下平 立有

烏巖頭 清金

茶坑 君連

溪平 方壩

金村 君海 方成

茅垵 方嚴

垵溪 方針

洪坑 清浪

蘭谿 朝斌

丁巳年重修宗譜共十四部每部十四本以宗支蕃衍椒聊  
盛世澤綿延瓜瓞長十四字編號

大衆 一部

梅溪 一部





界坑	一部
黃塢頭	一部
南溪	一部
應川	一部
梅溪口	一部
應塊	一部
仙邑茶坑	一部
溪平金村	共一部
仁鍾	一部
嚴州洋溪	一部
蘭籍雙排草譜	一部
洪坑	房譜一部

金氏重修宗譜序

譜之作也上綿瓜瓞下衍椒蕃有族必譜有譜必續法誠良意誠美也粵稽金氏始自彭城厥後伯彥公侍中尙書德春公按察御史其間各登仕版職列朝班者固難枚舉迨永遠公督糧溫州遂遷居梅溪數世後中安公又由溫州梅溪徙居仙邑一都安仁誥已蟄已四十有餘世矣細閱其歷序已知由來之大義譜家言之再三備詳正恐其多事世系之淵源先達載之盡悉贅述又恐其雷同第生娶卒曆譜有未備光緒癸未四十三世孫諱承星者起而修之迄今已五十載矣其間保無散佚遺漏乎裔孫錫剛錫厚錫新錫蘭朝苟朝臣等乃愍然興思徵予重編修纂是洵仁孝之用心也於是編新支承舊本世系有條行第

有別賢能有褒穢行有貶華袞斧鉞凜如也編成咸謂宜  
序其首簡予晚學輩固自鄙無才亦無序可譜惟願金氏  
子孫仰體祖宗積累之勳烈靡不兢以業以各遵其家法  
克振夫宗風培心地之芝蘭身常種福愛書田之菽粟子  
盡鋤經家孝悌而戶詩書光前哲而裕後裔豈不懿歟茲  
當譜牒告竣爰忝揣鄙陋而為之序

肯

中華民國二十一年歲次壬申仲春月上澣 穀旦

縉邑盤溪清增廣生醉亭胡景琛撰

總理 錫剛

對讀 錫新

譜長 錫厚

錫蘭

朝荷

朝臣

是年共印正譜四部 又草譜二部作常



府尹公譜序

夫孝義公者號曰玉田眉清目秀初試進士考選人才貌言無雙續繼

祖緒中舊章變其禮文位居黃堂爵為典憲挈五常之龜鑑正三綱之軌轍 祖迹之道而迷復明盛自大業於是乎在天錫嘉瑞光昭厥功故道不信於天下而信於智者不信於當時而信於後代得其時名薦於廊廟失其時身亦不為賤夫是以聖人能順時以濟人不能及時以自濟靈瑞固能時以感應不能及時以自靈所以順乎天也嗟乾坤不可以久否故交之以泰日月不可久晦又繼之以明譜籍不可以久廢亦愛之以興於戲金有籩玉有匱家有譜防之以關鍵鋼之以緘 君臣之道父子大倫人乞而求之者蓋重義也予

重譜籍垂於後世可知上古之貴重乎

金塊重修譜序

昔自始祖遷居金塊數十世以來節年兵亂燒燬宗譜無稽以致歷代失次今值年豐歲稔幸黃塊頭族姪昌球等通族會議重修譜牒景字公聞議不勝之喜今誌先豈亦集於言內序其昭穆分其支派辨其親疏別其長幼子孫仰祖之如在可為百代之家史也

昔

萬曆壬戌年 桂月吉旦



金塢重修宗譜序

先儒有言山不在高有仙則名水不在深有龍則靈斯是金塢惟宗譜修閱其先世自金華至溫州梅溪自梅溪至台仙一都安仁金塢觀其上世或以道學見稱垂訓後昆或以賢良見舉名登廊廟披閱舊譜赫濯名卿不勝述矣茲不復贅至金塢延及景宇公後微而益甚於茲百有餘歲其間譜牒保無殘缺失次之虞乎不意此時又有明選舉者率其堂弟明彩明德兢以宗譜爲急延請譜師而至其家考訂歷代宗支殘者補之缺者修之序昭穆而定尊卑排行次而分先後始之以諱字生卒繼之以娶氏葬所脈落分明長幼有序俾後之子孫一開卷而瞭然在目也斯真有仙不必高山有龍不必深水者乎因今歲重修華牒予亦觀光其盛事而竊

梅溪金氏宗譜卷之一  
三  
嘆金氏世德之綿遠歷千載如一日也爰不自揣略書數語  
以表家乘於萬一耳是爲序

昔

大清乾隆五十一年歲次丁未姑洗月

吉旦

五雲邑庠生眷弟吳鵬學山氏頓首拜撰

金氏重修宗譜序

從來家之有乘猶國之有史也國史所以紀世運之盛衰政  
事之得失家乘所以紀言之善惡世系之源流悉皆實錄  
由來遠矣迨爰宋歐公制行第長幼攸分賴公設流支親疎  
以別宗譜修明願可緩乎哉予與金氏忝屬義家詢其世系  
而譜牒久遠未修宗支紊亂四十世孫明選明彩明德諸君  
向予言曰吾本支散出外郡以至如途人而不相識所以有  
此心重修宗譜設館開局重刊字梓面相考訂序其昭穆分  
長幼別支派明親疏使後子孫不至如途人之視焉矣若以  
金氏世號巨族其名臣士宦指不勝屈者若載溫州溪下大  
宗炳已昭人耳目間也何必遠攬音信諸君悉首違之予今  
旋里日久丁未之春偶之金塙適有續印譜牒之舉諸君囑



予作序以紀之因閱其全帙昭穆已序長幼已分支派已別親疏已明且無一語之虛浮而貽笑於有識也真雜國史之實錄並垂千古矣因述其向之所聞與向之所言以弁簡首云

昔

大清乾隆五十一年姑洗月 吉旦

義兄載璧拜撰

金壘重修宗譜序

譜之爲言普也所以普其宗支者也譜之爲言補也所以補其後起者也自鼻祖以及吾身非譜何以知身之所自出自吾身以迄耳孫非譜何以知身之所流傳所以歐蘓二公一作支圖一作行第使其尊卑有別長幼有敘自鼻祖以迄耳孫無不源也本也一展卷而昭然若揭也譜之爲義大矣哉茲觀金姓譜牒重梓以時歷修有序固可謂之彰明較著者也第自乾隆丁未修輯以來不覺五十餘載使不復加續修將老成彫謝稽考無由甯無有殘缺失次之虞乎是以賢子孫等延梓重修增新訂舊使其各親其親各長其長燦然明備無一毫而或混者其功豈淺鮮哉是爲序

昔

梅溪金氏宗譜卷之一  
道光二十年歲次庚子夏月 穀旦

縉邑小爰應樂成拜撰

金氏重修宗譜序

嘗聞譜者普也布也所以普一姓源流垂諸久遠布一家  
世代昭示無窮也金姓始於彭城自宋以來賢哲挺生簪  
纓不絕史冊爛如班匕可攷無庸贅敘惟斯譜所載鼻祖  
伯彥公爲鎮江通判徙居金華至永遠公督糧溫州寓梅  
溪見其山水秀麗遂卜築於此焉至三十一世孫孝義公  
揚州太守後因世亂至三十二世中安公遷居仙邑一都  
安仁金塿遂爲金塿之始祖敦節儉崇信義長匕親匕之  
誼藹乎無間前譜所載明若日星矣但自道光庚子重修  
以後越今四十寒暑其間生娶卒葬之務親疏長幼之倫  
積久愈繁無以紀之恐散亂而易湮也今本歲癸未冬諸  
君設席議修譜牒將竣予爲梨梓小技不揣鄙陋爰筆而



爲之序

昔

光緒九年歲次癸未孟冬月 穀旦

對讀

永星

譜長

元四

永才

永松

永舜

永道

以上共正譜二部又草譜一部作常

○勅命一道

奉

天承運

皇帝制曰

龍 朕惟朝廷列職必擇賢良之士掄才翰苑難求正  
章 直之人理宜寵擢具官金仁山知府登名仕籍耿  
聖旨 介無私歷任既久陞爲吏部尚書贈護國功臣金  
龍 紫光祿大夫兼觀文殿大學士爾當勉勵恪守乃  
職不得固辭

錫

奉

勅如右牒到奉行

右特下陞授如前

右勅下吏部尚書金仁山 淮此

勅 命

皇明嘉靖三年八月十五日辰時下  
之 寶

○勅命一道

奉

天承運

皇帝制曰德懋以官古崇褒嘉之典深仁厚下例推  
進陟之階朕惟恭膺

天命覃及洪恩致爾 金孝義立心方正稟性賢良  
初任安康府通判課最有聲轉擢揚州府同知考績  
無忝勤勞二職受苦值而任若事忠盡一心敬其事  
而後其食乃百僚之茂才也特進原任知府永膺一  
命之榮爾其欽哉

勅 命

大明洪武二十九年三月初五日 時下

海虞縣志卷之二



之寶

○贊曰

德容渾涵兮丰神秀整才學內宏兮文辭外聘爵世上公兮  
歷朝臺省揚州辟雍兮民事主領勇退歸來兮尚華晚景聖  
主勅命兮千古傳聲歿而不朽兮各垂永久丹青莫狀兮靈  
臺炯七於仰慕之後兮彷彿得見乎小影

○銘曰

二儀既闢 二像乃垂 祖道湮鬱 人心不開  
上有文武 下有定規

○皇上恩賜吏部尚書金仁山歸省御詩

河清正頌得忠臣

豈覺辭官歸思匆

為道思親心甚切

難留執手意奚窮

親斟御酒資行色

更勅雲臺寫範容

回到家鄉人問及

始知朕不負勳功

奉議大夫吏部考功郎中兼清吏司臣汪彥奏行

正奉大夫吏部尚書上柱國開國功臣張宏魁謹言

金紫光祿大夫太子太傅掌天下國史勅令臣趙璘保舉

嘉靖五年十月初三日加贈錦軸

○譜例

一譜世系貴以溯流窮源也故遷居分徙必詳載之歐陽公譜例遠者疎者略之近者親者詳之其各派與本枝不同錄者非棄也義當略也其分徙遷居必錄者非贅也不敢遺也作譜之意微哉

一譜先圖後傳者昉史公列傳義也

一譜圖五世二提頭者取五服之義也故世代別行序以列尊卑也

一譜圖明宗裔凡殤世不書有斯文俊秀者不拘此例而無後者有繼則書繼嗣無繼嗣書止

一行各表子孫依而列之庶無重犯參差之訛

一譜中各字有與先世二字犯一字者或音同而字異者取



律禮所謂諱雙不諱單與不諱嫌之義皆仍存不改

一名必楷書者使後代無魯魚之舛

二在者各下只書某字行生年月日時配某氏以待履歷也

一亡者各下書履歷卒葬垂永遠也

三行序中未五十不稱公未四十不稱處士有五十不稱公

四十不稱處士者隱褒貶也

一有官者備書其官爵秩祿陞擢任所貴也若積累致富

者書素封非重財勸勤也

一譜圖長子書於父之下眾子書於父之左長孫又繼而書

之眾子眾孫並書於左做小宗意也

一嫡子雖小書於父之下庶子雖長不得書如無嫡子則以

庶子書之無嫡庶則以繼子書之注以某兄弟之子為子

於本生父下注以某子出繼某兄弟為子庶不失服制之

輕重也或異姓售子亦書以某姓之子為繼以便稽別異

姓也本姓出繼異姓者亦書出繼某姓示後世知吾宗所

流也

一各下書配某氏重伉儷也庶母稱側室不稱氏明嫡庶也

或庶母有子以側室某氏書之所謂母以子貴也

一宅里繪圖使後人識新豐也

一祖墓繪圖祀田有祀使孝子仁人世守無失也

一恩命誥勅錄譜首者重君恩也

一諸名公所贈序誌翰墨擇其紀實有益風教者悉錄之重

名筆徵文獻也

一舊譜文字多有魯魚亥豕之錯字異音同之謬遭風雨寇

亂殘壞缺失者亦不增補信以傳信疑以傳疑倣魯史春秋意也

一凡是吾族者俱載在旁枝錄中旁枝不紀者非吾族也不得因循妄冒吾族

一宗譜必擇有孝思德行者掌之不致有損失之患

○族訓

一祖宗祠堂及墳塋崩壞便宜修整歲時祭薦毋許草率過期失禮違者重加責罰以儆將來

一父母尊並乾坤德重山嶽理合昏定晨省冬溫夏清以盡愛日之誠儻有疾病嗜欲竭力營辦不可計家之有無其應答事宜須怡顏悅色柔聲下氣且看鴉能反哺羊能跪乳人爲萬物之靈豈可不如彼乎

一尊卑長幼皆當有序其有不順禮義恃倚勢豪凌犯尊長重加責罰三犯不悛者黜之而尊長不得恃己尊大吞滅卑幼違者宗子宗正從公白其罪過所重彝倫也

一子姓衆多存心不一其有爲姦爲盜詐僞不良之事昭告先靈正其名罪加其責罰如有不悛者譜削其名別其稱



呼視作下輩所以重家法也

一婚姻必舉其爵里姓號而書之重閥閱也若門戶非秦晉王謝男婚不書婦父之名女嫁不書夫婿之的只書娶某氏適某氏若以奴隸爲婚姻者并其各削之不入譜

一男子有污行及妻有淫行者玷辱宗族皆削其名責在夫綱也有子則書其下序中書行而不書名子之各亦書某行之子無絕父之謂也

二義夫死再醮者不書義絕也子下書嫁母某氏出以子無絕母之義也

一女適人再醮不書示懲也若淫奔失節及忤舅姑并不書在家未適有玷行者并父名削之懲其不防閒也

一婦人有貞節孝行淑德幽靜足爲閨闈則者傳錄之以勸

婦道也

一女適人有賢德亦附錄之見風家之美也

○祖訓

一訓連姻

婚姻嫁娶配身之大也須當擇其門戶相稱自始議之初卽與長上族衆商議可否行止毋弗便情任意苟且妄圖致玷宗風也違者族衆叱阻

二訓忿爭

爭訟廢家之端爲子孫者各宜安分守己懲忿窒慾毋逞一朝之忿以至訟庭一或不勝仇讐相報何時休息戒之哉如人侮我當訴直辨理不致好訟而已

一首孝悌夫孝爲百行之本聖賢歷有明訓試觀古今人能孝於親者必得孝子能悌於長者必得悌弟而世之人多有逆其親悖其長者在其人亦不自知旁觀者多咨嗟不平以爲物類尚知報本彼亦人也何獨悖逆如是哉問其鄰之人必曰此其人殆世逆其祖父者也世逆其兄長者也不覺喟然嘆曰嗟乎古今來有所謂醇良世家不意而有此悖逆世家哉報應不爽固如是矣今勸世之爲子爲弟者怒氣方發之時返而自思曰我不孝於祖父我將爲祖父我不悌於兄長我將爲兄長俗所云簷前之水滴已不差也從此而一思焉則一時暴氣有不渙然冰消者乎況能忍其不孝不悌而勉其孝悌無論人之咨嗟非笑而已亦多獲孝子悌弟其爲益不良多乎故首重孝悌

一務本業經云惟土物愛厥心臧又曰先知稼穡之艱難故本業首重農事次則或坐賈或工藝事皆四民中業也外此非遊民則異端矣夫人惟不知務業勢必至徒手閒遊富者習於驕奢而破產貧者迫於飢寒而爲非本業其可不務乎故常耕則耕當耨則耨當貿易則貿易當爲工則爲工不可雲集而戲不可怠荒而遊誠能各守常職則務農者有仰事俯育之歡經商者亦有牽車服賈之慶俗皆醇良縱飲酒爲非亦不暇矣所謂厥心臧者殆以是爾古人云禮義生於富足盜賊起於饑寒不可不三復斯言也故務本業

一勸勤讀語云詩書不負人又曰學乃身之寶書其可不讀乎哉今之士林不概見棟樑不琢爲者非小子之才不可



滅亦由父兄不教之故也試觀今之子弟往匕天姿可導而質性明敏者朝夕使之版牛事輒曰士林非吾望桂枝不可期川嶽非奇秀作息毋遊移而孰知卿相本無種人傑可地靈乎所以先王設爲黨庠以教天下者其以此也或曰貧而無禮情也然見寬日誦而芸耔買臣行吟而讀書者何以稱焉誠能發憤教其子弟大則爲國家之棟次則爲四民之首又次則知書識禮作止言語亦不見粗鄙語云詩書不負人余嘗有味於斯言洵不誣已況乎孝悌忠信禮義廉恥莫不備載乎書而書之不可不讀也其明徵矣故勸讀書

一和宗族夫宗族中雖千流萬派原其本皆始祖一身而分者也古人曰有不和於同胞之兄弟當念此同胞之兄弟皆自父之身所分有不和於同堂之兄弟當念此同堂之兄弟皆祖之一身所分推此而論有不和於同宗之兄弟伯叔當念此同宗之兄弟伯叔又皆始祖之一身所分者也夫人在天地間天下一家萬物同體故親親而外人民愛物皆不敢視爲分外之事況在同氣其可逞一時之性而大傷父母之心大拂祖宗之意乎是必忍小忿而顧大義釋私讐而至和氣語曰過後方知忍字高余嘗有得於斯言凡生平之得力於此者不少今當公之於人而不敢秘使知忍字之妙凡持亡待人莫不皆然以之施於宗族則張公藝之家法其未墜於地也故和宗族

○金華溪下宗嗣廟碑記

夫聖人之興也能立天下之務能通天下之志亦不能免窮  
通否泰之數昔者大道既隱真風漸漓有爲之跡雖彰禪代  
之風未替故德澤及於兆民迨乎晉殘東渡五湖亂華干戈  
靡戢黔首疇依嗚呼吾祖之聖智足以周乎萬物才足以濟  
於天下蕪穢者芟夷之紊亂者綱紀之建末俗之郛廓垂萬  
世之楷則遂使君臣父子咸知揖讓之儀貴賤親疎之數功  
均造物德被生人是以尊其像於祠廟相望者豈其然哉自  
漢唐以還中原俶擾郡縣分裂四郊多疊鞠爲戰鬪之場五  
嶽飛塵竟以干戈爲務周歲經營日不暇給我祖之道將  
墜於地光闡儒風屬在昌運葉孫見材紹祖舊跡頗達膚文  
英武得爲帝佐王師幸逢



宋廣孝皇帝之纘寶位也尚猶日慎一日躬決萬幾近旬絕禽  
荒之娛後庭無遊晏之溺遂得羣生暨以但樂於天時萬彙  
熙以皆賴乎帝力孫居温州溪下道經 祖宅編修羣祠金  
田之列剝崇矣神仙之靈宇修矣惟見 祖廟崩頽塌缺甚  
焉况容像卑而不度堂廡陋而不整荆榛弗剪觴目荒涼既  
非大壯之規但有巋然之勢傾圯寢久人何所觀召募梓匠  
傷功經之營之厥功告就升其堂則藻火黼黻昭其度也登  
其筵則邊豆簠簋潔其器也春秋二祭牢醴在庭金石在列  
凜然生氣瞻之如在或龜石雨霽岱岳雲歛則重楣疊拱丹  
青晃日月之光龍柄鳳楸金碧焜煙霞之色輪奐之制振古  
莫倚營繕之功於今爲盛吾 祖以敦化人文行忠信以禮  
厚俗冠婚喪祭於民立防與世垂範上濟君下澤民用之則

昌不用則亡應千年而出震奄六合以爲家一之日二之日  
訪黎蒸之疾苦三之日四之日辨官材之淑慝爾乃修武備  
崇文教輕徭役薄賦歛興廢繼絕贊化調元不蠹民財不耗  
民力興百世之利者其斯之謂歟於時瞻我

祖恩嚴其廟像棟宇宏壯罕比倫俎豆馨香備時物奠獻者  
茲以芬芬駿奔者贈以濟以蓋所以酬功而報德也夫秦修  
阿房惟矜土木之麗楚築章華但眩耳目之玩豈可同年而  
語耶

嘗

龍飛大宋隆興癸未孟春月 吉旦

世孫禮部侍郎兼太子太傅大用撰

○欽命按察都御史賈勅還鄉金華祭祖祝文

天地至大也然東北或傾西南或缺則大者有時而窮日月  
至明也然既中必昃既盈必蝕則明者有時而晦山嶽至高  
也然高岸爲谷深谷爲陵則高者有時而卑河海至深也然  
瓠隄之決桑田之變則深者有時而竭若夫至高而無窮至  
明而無晦高矣而不可卑深矣而不可竭其惟我 祖之道  
前乎千年之既往後乎百世之方來爲君臣父子長幼夫婦  
而不悖乎是焉一或悖焉則君不君臣不臣父不父子不子  
長幼無序夫婦無別人將近於禽獸中國淪胥於夷狄然則  
吾祖之道可得而窮可得而晦可得而卑可得而竭也哉歷  
代之君尊之於鄉賢祠子孫祀之於宗廟當時委用明道德  
於當時大者論道經邦小者分理庶務布列中外我



本道金...卷之一  
三  
朝大宋聖智之君有加無已其崇德象賢尊先重後之意可謂至矣然非以是足報先人祖考耶然未足以叨清秩而竊祿於朝祿以無補於國人恆以孤祖之德澤是懼茲者承皇上之命來按浙閩道經故鄉奉

旨祇謁

祖廟之庭璽書勅賜恩寵有加實家庭無疆之福謹以牲帛

式陳特申祭告

祖靈在上尚其歆鑒

大宋紹熙皇帝勅賜

世孫都御史按察使 德春鄉還奠祭

○世一世知府孝義公歸宗祭祖祝文

於皇顯祖之道之德與天地同旅與日月合明乃聖乃神炳乎謨典乃文乃武晉於上卿容像儼然敢不奠獻謹備柔毛剛鬣致祭於

始祖侍中金國公

始祖夫人嚴氏之位前曰

古人修其身者尊其祖明乎禮者先乎祀義敢不事親守道恭修吾祖至祀安妥 祖妣精靈夫日月之運天地之久不言之化也揭日月之昭以破陰氛之冥以嗟乎一氣委和與萬物之至精或爲淮夷之蟻蛛或爲雲漢之華星雖光耀之成彩未離乎散聚以流形豈若祖之道德愈久而愈明聚而在天者爲雲漢之文章結而在地者爲山嶽之元靈超然龍

翔而鳳舞羣然玉振而金聲嗚呼我祖經緯禮樂誕降生  
知牲牢既設俎豆斯陳神之格思歆此明禋伏維  
尚饗

昔

龍飛大明洪武歲次丁丑仲春月 吉日奠祝

○侍中伯彥公墓記

伯彥公婺州金華縣人官拜侍中尚書奉

旨勅 葬本鄉祖墓地名上金山山峰秀麗綠水遶迴石猪石羊  
歷朝春秋

朝廷祭奠於金華鄉賢祠墓前對向幞頭石北坐石臺文筆峰  
東掩仙掌峰西鎮靈龜石筆架開源泉石壁修水澤五光崗  
與石船巖相近四壁文峰起水口疊關瀾家居溪下

○德一公總督糧長遷溫州序

德一公諱永遠字世長始自金華溪下遷都鹿城充萬戶總  
督糧長納稅於溫肇基梅溪創業繼統其後嗣子孫 寅三  
公家富業廣就產楊庄復徙黃壤峰巒羅列山川錯綜疊七



如貫珠迺天壤間太和之元氣歟雲在郁也紛也文成五彩  
霧罩蒼也冥也瑞靄一方水發源於岷山總括漢西峰屏障  
夫甌江併吞澧沅松柏茂盛竹草敷榮尚所稱百谷王歟室  
廬所居毓秀如仙宅厦堂所寓高屹於地中嵯峩秀麗不異  
崑崙五色華岳巫峰恍似蓬萊九氣其殆天之柱歟風至鷗  
鵬展雲聚蛟龍飛鳳凰巢其頂麒麟戲其巔此固地之靈也  
亦將爲人之傑歟轉遷於茲纂承基緒爲上克明爲下克忠  
與人不求備檢身若不及以至有爾令嗣子孫克成厥家書  
曰皇天無親惟德是輔鬼神恆懷也爲克誠永享其福茲惟  
艱哉

### 流支圖序

矧夫伯彥公乃金天氏之後德麗二儀範垂萬禩服圖凡  
例於家譜祖庭傳奕世之神肇基啟祥則山川瀉其精彙  
集編總千萬言一家大經大法皆載此誌而淺見薄識豈  
足以發其蘊奧耶若非潛心化工妙著明於千載之前遺  
於千載之後予得之於心固可得而言矣心之所由施禮  
樂教化心之發也典章文物心之著也家齊國治而天下  
平心之推也居故處衢葵台溫遙邈不能通譜惟梅溪府  
尹乃始祖待中公三十四世孫生八子分于八處半日  
途步百里之內通族會譜擬同排行所以分尊卑序昭穆  
也今流支派所以別上下辨親疏也金氏先靈墓塋凡繼  
續子孫祭奠拜掃則異骨成親且花有接枝之理生果則

梅溪金氏系譜卷之一  
三  
同人有繼紹之義發孫共體無有遠邇率德改行惟忠惟  
孝克勤無怠不惟乎孫傳支流派且能享其天祿永終矣

皆

萬曆歲次壬戌桂月

穀旦

三十四孫球昌誌

○金氏世系歷年篇

夫歷年之傳莫昭於史鑑梅溪金氏之譜自六朝迄今凡千  
有餘歲非以紀年查之奚免舛錯敝略之弊乎嘗閱梅溪之  
譜自十七世紫芝公之下等之 赦公乃南宋紹熙時人  
紫芝公乃五代時人據此則數百年間來並無子姪入譜何  
其延齡若是哉蓋由老譜煨燼主者不知檢拾修者不加討  
論遂致代失世缺則爲敗譜之蠱也今與蘭亭蘭軒東翁細  
加查考知其會同大老者英蘭隱梅坡諸輩商議旁搜細檢  
前書契中得其故單一幅而叅合之方得接續分明自六朝  
元興間延至於今千有餘歲中間代數若合符節故無殘缺  
之患亦無強附之虛仰不愧於天俯不忤於人而先靈俱安  
妥矣



○鴈行小引

予家世業儒少不自揣妄期騰達以亢厥宗未堪多難晦跡  
林泉永此歲月偶於康熙甲午花朝值春光明媚惠風初集  
萬綠具腓憶昔弱冠之時同 金公文賢者情投意洽聯牀  
共食之誼遂效古人之芳踪攜手緩步而訪之始則敘其契  
闊之情繼而談及譜籍之義余曰昔賢作譜其來尚矣故古  
聖王遵人情之輕重立爲五服之親九族之義五服者高曾  
祖考己身也九族者父族四母族三妻族二皆有所制也斬  
齊大小功緦麻之服也別親疏長幼上以奉祖禰下以洽子  
孫聯屬於斯不紊其序而國家皆如一也金公聞吾之言躍  
然恐後不禁卽拱家史示余余雖稔知其詳第六朝以來屢  
創屢廢又際 先朝革運生靈糜爛煨燼殆盡惟有斷簡殘

編內多腐傷而盡失其序難以爲後裔鑑公乃丕承厥志大  
倡宗風奮然揖予編次之子諒庸鄙陋劣蓬茅塞心曷敢擅  
任夫何公之媒色甚堅諉諸再四弗獲遂爰取譜書仍其舊  
章序其昭穆次其雁行紀其履歷溯流窮源雖百世之遠昭  
然在目而祖德若揭矣且以公之令子懿孫耕者食力學者  
謀道可謂賢矣敦敘之禮賙恤之政可謂睦矣人賢而睦族  
始昌矣是故舅犯氏之世稱於晉者睦也孟獻子之世稱於  
魯者賢也張老之言君子哉予不敢自謂叅末議之能聊述  
告於金氏子孫以便稽其所自云爾

崑

皇清康熙五十三年歲次甲午臘月

穀旦

鐘川楊志高拜撰

雁行

永敬貞祥傳宗興利道茂祿卿忠信英雄貴壽增顯紹睦  
孝友敬誥八昌順光慈和剛毅乾懿範聯華祝揚芳奕禩  
綿科名從斯接

諱行

子啟義中生懷秉守景伯孔明榮元亨君方清朝立國錫  
敏望蔭克家毓秀常鄉居有樹植爾協進匡廷茂起天培  
迪安厚得其春

字行

克廷文叔應以尙懋敏子必永昌汝宗啟德希若成正思  
慶光信存中首禮至登甲欽奇蘊積善兆先宏耀宗隆至  
俊繼仰志宜真



○尚書公傳

實寧公乃大用侍郎公第六世孫也幼通春秋由科第出身官至吏部尚書猶天北斗王之喉舌宗伯也亦亞相也東曹掌銓衡之任容臺居禮樂之司戶則版部兵則武部刑則秋卿工則冬卿仰視三台只隔乎寸雲間耳善於其職豈惟鄭尚書曳履哉正直吾聞之朱穆方毅吾聞之黃琬平正吾聞荀緄蹇諤吾聞之魏朗金尚書一舉而明廷且爲得人之慶斯固六曹之彥乎

○尚書公傳

文明公承 祖恩寵頒賜章盛羽蓋華藻采寵渥典優古稱  
最賢者所乘之車輿珠其根玉其輅所佩之印璽金其璃虎  
其紐紆青拖紫與羣賢同行歷金門上玉堂畫一奇出一策  
論者莫當要必以哲王爲師學不狃於世主以明儒爲傳志  
不習於嬖倖以正人爲輔行不疚於檢任斯則承祧主器知  
宦緒之無疆出震明離羨金氏之有子日重光月重輪耶

○侍郎公傳

大用公字見材乃文忠公之子也因父飽學官至教諭隨任  
讀書少通禮記得傳正學以授門人道學大行由科第出身  
官至侍郎秉國之鈞典領百僚陶鎔萬化擢給事黃門以道  
德而登廊廟則爲萬乘師觀者家家以爲臯陶見者人人以  
爲稷契戴綬垂纓而談者皆謂其可衡時握權以爲卿相則  
論道經邦變理陰陽濟以乎台輔之器固所稱光虞夏之稷  
契翼商周之伊呂乎蓋聞之侍郎之名子孫書之於金榜勒  
之以金碑重厥名也膺以元冕赤寫貴厥服也當其時或有  
金筋之賜或有商霖之賜斯固優禮大臣之道歟



○侍中公傳

嘗謂人之生也則必有所屬之倫天合人合道各有攸當也君也臣也自宇宙以來不易常道君爲臣之元首臣爲君之股肱一體論焉侍中公日碑爲君之弼亮者也

皇上聖旨賜以宮袍勅命報勳庸而表忠烈乃知后克艱厥后臣克艱厥臣其道要矣抑嘗聞之武丁旣得傳說命朝夕而沃乃心漢祖一無蕭何如左右之失其手職此以觀君也臣也相須固不殷耶世代各官歷也可稽簡策不有光耶固天生帝王之羽翼也若謝安舉謝元以垂教蒙正薦夷簡以爲相親有所不避也蓋聞公兄弟子姪各相舉薦滿門貴顯斯真爲百世之流芳歟

○庶常吉士公傳

德截公由進士出身官至庶常吉士迺

朝廷掌文冊之官也上者貴德其次貴才文學之官五經鼓吹班馬屈宋固卓然士林翹楚至若蘓子者非文陣雄師耶張九齡非文場元師耶李嶠者非文章宿老耶趙子昂非海內文宗耶詞鋒振響揮翰如飛皆居中書要地擅冠冕之尊比唐邕之勇略專金城之望比蔡邕之豪邁屬領袖之貴比吳俊之才逸膺纖纈之美比劉紆之超脫均可以增高價公輔器重矣例之王佐玉界尺粹矣優文裕武氣蓋羣公儻謂呂梁才飛水三千丈盡供筆底之波瀾然比裴禹之俊美丰姿而同玉山比衛瓘之清雅照人而同明珠愛慕者殷殷也瑩潔如蔣凝嵩然之玉笋清徹如王衍燦然之瑤林美麗如樂

廣瑩然之水鏡嬌媚如孔融玲然之琨玉俊逸如竇儀湛然  
之水壺是皆絕塵之吉士也

○監察御史公傳

得寵公迺上國之繡衣明試以功車服以庸代天巡狩五玉  
三帛考察官吏體訪強橫善士賞之以德豪民懲之以威淑  
亡淑人遺子孫以清白不矜不伐訓後世以謙恭傳代不外  
一經待人惟有一恕投錢飲馬守躬以廉聽刑坐閣照法以  
嚴兄弟愛隆親屬誼切雁行之齒有序鶴原之情無歉予譬  
若爾爲凡寵則可以共德寵焉譬若爾爲三鳳則可以相頡  
頡焉譬若爾爲兩驥則可以並驅馳焉譬若爾爲雙珠則可  
以爭炳耀焉矧夫論德政而播文聲論學術而蜚英名論文  
章而棠棣之碑花萼之集共騰茂美同一雅洽謂非一朝之  
碩彥乎



○御史公傳

德春公甲子科進士

宋朝孝宗皇帝之時人也任按察御史代天巡狩激揚三省相  
 臺秉憲典領百僚掌法曹之職懸民命之權薦拔羣賢砥礪  
 清節持己以介挫抑奸諛詞鋒振響文陣雄師豺狼當時雕  
 鷗猛厲旅玉帳而總金壇整乾坤而象鐘鼎此所謂第一等  
 官以第一等人為之也又如范堯夫陳正心之說馮元上金  
 華之箴皆彬也良御史焉斯固宜草詔賜以繡衣進諫報以  
 宮錦金蓮夜送滿院恩光玉堂飛聲舉家寵祿然又有言劄  
 論請上方劍以斷佞下誠心而節度落膽是將為殿上虎風  
 生筆端同一蹇也諤譎樹直聲於天下也

○都督府僉謀公傳

公諱仇字元遠行達二德一公之孫也天資聰敏力舉千斤武冠二浙名馳上國征遼立績酬功都督府僉事饋食糧餉兵不餓乏總督三軍民不困窮幼學而壯行剛毅而果斷兵無疲弊之災人無嗟嘆之怨此所謂勝任愉快耶爲臣而忠爲子而孝嚴出處之分慎始終之節

朝廷屬以萬戶之權建以總督之職蓋公統於專命而不敢託附爲私榮也食其祿而任其事居其官而守其職戰也焉競競焉不敢暴虎不敢憑河常以法律自鑑事君如父母愛民如赤子勳歸

朝廷惠及蒼生詩云務廣德昌而子孫文武超羣繼繩爾榮顯接踵爾芳規福遺於後裔矣

○府尹公譜序

夫孝義公者號玉田眉秀額豐足底有三黑痣初試進士考選人才言貌無雙迺

德一公之葉孫也職官府尹續繼祖緒率由舊章崇其禮文位居黃堂爵爲典憲挈五常之龜鑑正三綱之軌轍祖迹之道迷而復明盛德大業於是乎在天錫嘉瑞光照厥功故道不信於天下而信於智者不信於當時而信於後代得其時名薦於廊廟失其時則身不爲賤夫是以聖人能順時以濟人不能反時以自智靈瑞能因時以感應不能反時以自靈所以順乎天也噫乾坤不可以久否故交之以泰月日不可以久晦又繼之以明譜籍不可以久廢亦受之以興嗚呼金有簾玉有匱家有譜防之以關鍵錮之以絨縉君臣之道父



子之倫人求而行之者蓋重義也予序此以垂後人使可知  
上古先人之創垂遠矣

○府尹公垂訓

我祖德一公肇遷於溫適居茲土籲衆矢言曰暨爰宅於斯  
膺視丕基世祿之家鮮克由禮驕淫矜誇用喪厥躬先人有  
服恪謹天命茲猶常寧今承於古可從先人之烈天永我于  
斯土紹繼先人之大業安綏後世我乃在職正法度敢伏小  
人之攸箴余告爾子孫之訓無傲從康古我先人亦惟圖任  
立政

帝用丕欽爾後嗣子孫若敗禍姦宄自取災於厥躬惰農自  
安不昏作勞不服田畝安有黍稷之可望書曰人惟求舊器  
非求舊惟新古我先人及乃祖乃父世選勤勞續承基緒爾  
後嗣子孫無侮老成人無弱孤有幼明聽我言爰定厥家嗚  
呼告汝保家不易常思於難無戲怠無惰遊無從獸於山林

無宴飲於家庭兢業懋懋繼大命永世無窮且木從繩則  
正人從訓則聖尚其承若之休命

○令尹公傳

德韞公由貢士出身官至文林郎知縣墨綬銅章出宰百里  
晉陽重保障中矣選良令武城絃歌政聲美哉然江陵之反  
風滅火漁陽之麥穗雙岐香泉鸞集榆次鳳來豈不稱奇異  
功哉矧也山隱有傳家父子相傳治縣之譜江東有岑氏兄  
弟不懼御史之巡河陽有潘岳而花豔於城巴東有寇公而  
柏秀於庭中牟有魯恭而雉馴於桑萊蕪有丹雲而魚遊於  
釜頌聲交作之數人者豈獨爲當時羨哉吾想宓子賤治單  
父宰名滿人口儻亦郎官應列宿而厥職未易職耶抑龐士  
元非百里才乎



○主簿公傳

夫人臣者爵之祿之庶位間藹也多吉人耶 紫芝公以春秋入庠由歲貢出仕永康縣主簿任滿辭職歸田致仕 邑侯趙世德達以書云昔子陵垂釣於七里灘樂得志於漁今公樂得志於耕又詩云雲山蒼蒼江水泱泱先生之風山高水長出之崑崙生自麗冰以鱗趾馬協瑞志異

○仙居縣尉公傳

黃桂公字高攀乃紫芝公之嫡弟也為人忠厚篤實由郡庠貢士出身任仙居縣令尹

皇帝勅賜所佩之印璽而繫以銀帶珠匣飾以貂骨象牙恩從祥風降德與和氣游守優遊自得之志居恬淡無爲之場多福多男休徵自至如松如柏壽考無疆襟懷落落不佞翰墨字字有香文歸妙處思入興來或樂琴書消憂或臨清流賦詩

○教諭公傳

文忠公抱穎異敏捷之資得當時神童之譽由貢士出身官至教諭詩賦擅長若楊雄之吐白鳳文思大進似江淹之筆生花且也倚馬作文比袁宏之措辭以敏覆被成藁比王勃之構思以精自成一家機杼不拾他人緒餘故文之利也如

李嵩之干將莫邪鋒不可當文之雄也如李白之崇巖峭壁  
勢不可攀文之奇也如韓吏部生馬長蛇活不可捉必不比  
驢鳴狗吠碌々無奇焉者

○榮貴公序

翁諱榮貴字昌祿號志水者自幼著名孝友推重黨宗及長  
制行通方遠近欽仰其爲人也矜氣節樂交遊肆志漁獵奇  
情山水效端木之貨殖媿陶朱之經營且慷慨好施扶濟人  
急尤善爲人排難解紛柔亦不茹剛亦不吐杜季良之豪俠  
黃叔度之丰標兼而有之是其生平大概也年逾六旬神猶  
矍鑠迹其狀貌魁梧溫如處子辟穀張良其氣識固非食肉  
者之所能測也玉人林氏邵氏優於佐理昆季三人有田氏  
紫荊之風嗣君元華具卓犖魁奇之品是爲序 昔

乾隆二十九年歲次甲申春月 之吉

眷弟王均明世胤氏謹撰

○藍田公傳

夫東甌梅溪之耆賓金翁諱孔順號藍田者乃先

朝揚州府尹孝義公之流芳伯熊公之賢嗣也自幼英才出類  
雄節邁倫常聚崑玉而相謂曰人生天地間大不能爲國立  
功小不能爲鄉建業碌々庸人與腐草何殊焉際我

朝寅卯之歲耿逆猖狂四方鋒起荷戈甲冑遍滿山川甌閩聯  
壤靡有孑遺時公爲一都保障不畏強禦不侮鯨寡卽披甲  
之士皆肉袒迎公而芳聲播乎州邑聞者莫不嘖々稱美求  
之今人之中亦罕儔焉夫以公之考槃於澗陸凡邑令巡徵  
一叩詢間如聲相應如氣相求山陬課賦悉仰於公而公不



失其程限是以 邑令任公特旌耆彥贈以匾額語曰一鄉善士美哉 公之景行如此故儒林宦族無不愛敬而羨慕之況令嗣皆有克拓休聲之志倡修譜牒大闡宗風以舊居未廣協創置產而克振家聲故時人目曰金氏四龍良可羨也然而震器文賢公者能繼先人之志襲職鄉宰肯鋤強而濟弱肯剪暴而扶傾宜乎 邑侯嘉其人之能鄉都訟獄咸委其剖決而不負公家之度使遐邇之中誠心悅服是以香名尤震於人世斗山之仰至於昆季之間藹然和氣無異田真之輩奉上待母未嘗少違色養晨昏之間甘旨之奉極其甘脆而治家嚴肅訓子義方若此者豈非善繼善述而達孝矣乎噫吾視其子孫頭角崢嶸度非凡器異日超羣拔萃膺聖朝擢用而爲金氏光大門閥其在斯乎其在斯乎

○明略岳翁行傳

嘗思沒世無稱君子疾焉蓋人當時稱之沒則已焉者多也求其生有聞於當時死有傳於後世者孰有如我 岳翁之爲人也哉 岳翁之諱明略係孔順公之次子也翁之天性純良秉彝不昧事庭除而無忝所生待同胞而怡氣相應處鄉黨而揖讓可風接姻友而謙光足挹想其才節兼優謀猷交臧廣爾阡陌撫乚慶千畝潤爾堂構渠乚歌厦屋翁不有垂令名於後世希鴻號於無窮也哉淑配劉氏安人婦道優貞淑德聲聞生三子三女長女適配麻必方次女適配楊良魁幼女盛卽受室焉盛也樸陋無文雖無足以光翁之門楣而三舅之賢猶足以克充於閭黨夫詩也雖已謝世而章也文也磊落不羣可作中流之砥柱慷慨自持足掃頽疲之末

俗或求端木謀或效后稷耕桂固秀矣蘭亦芳也若元友元武元扳元啟元盛元熙輩少負岐嶷壯成令器耕也讀也各竭其力使吾翁而至今存也不有幸蘭孫之繞膝乎否則於九原之下亦慰矣歷觀家財俾臧俾嘉嗣續寢昌寢熾翁不誠生也有思哭也有懷而無愧爲君子疾也乎今逢家譜重修正在揚休之時也盛雖不敏敢不追述翁之生平而爲之表彰希附諸家史以垂不朽乎是爲傳

昔

龍飛乾隆二十九年歲次甲申端陽月

穀旦

子壻麻學盛拜撰

○榮高金翁傳

歲在癸未臘月之間遊遊於崇山峻巔逍遙於東甌梅溪余造金氏之廬與東翁相覲坐論其修譜之事忽有一人適逢其會周旋進退言貌詞論彬彬乎有儒者風焉余始問之曰彼何人斯翁對曰族內君子問其諱曰榮高問其字曰昌宗問其號曰嵩嶽係明選公之次子實孔順公之嗣孫也余考其生也磊落不羣智識過人事祖父而蓼莪有咏待昆季而棠棣可歌孝也悌也可云克盡者矣然其才兼練達志尚慷慨居家綜理劇務拓基址廣阡陌以爲後昆計者無不周而過族內公事率作相先衆感而踴躍恐後卽至排難解紛亦靡不從公不侮緜寡不畏強禦樂善好施心有所周恤飭躬勵行身多所激昂當事諸公聲稱嘖嘖謂翁可進以賓筵而



踵祖父之舊跡也孰知越在戊寅本邑 崔公賜以匾額品  
行端方越在今春樂安

祝公又賜以匾額心田種德翁不誠超羣拔俗而有光前裕  
後之槩也乎淑配麻氏賦性溫柔克襄家政生一子一女又  
繼一子俱已有室有家子諱元謙秀骨天成足觀光於境內  
繼子元耀勤儉自守亦聲振於他鄉而且蘭孫繞膝若亨淳  
亨萼輩少負穎悟勤誦讀於芸窗壯展才猷定題名於蕊榜  
書香之就可預期矣是殆先世諸公之流澤長歟抑亦翁之  
上有以繩武於前故下有以克昌厥後耶即其重修家譜一  
事翁亦竭誠倡首其不忘夫水源木本之意概可知矣予雖  
不敏敢不爲之賦俚句以述翁之生平乎

昔

龍飛乾隆二十九年歲次甲申季冬月 穀旦

葵東眷弟蔣德成拜撰

○華山榮陞翁傳

傳云莫爲於前雖美弗彰莫爲於後雖盛弗傳是祖宗之德  
業飭綱整紀正名定分著於當時載於簡冊哀而集之傳於  
後世以垂不朽者其責固在於後人也古人云譜牒之休廢  
關人事之盛衰今梅溪流風餘韻繼七繩七可謂稱極盛矣  
然求之族黨盡心竭力善繼善述而續承勿替者何人哉不  
觀之華山公乎華山之諱榮陞字昌登者係明通公之苗裔  
也翁之生也事父母而愉色婉容怡氣柔聲大端克盡細行  
必謹其待人也恭其操家也儉其持己也莊其接物也敬不  
侮繇寡不畏強禦剖是辨非公直自陳且也堪輿習貫明乎

吉凶消長之宜黃中通理辨乎天地陰陽之氣翁不誠堪作  
中流之砥柱而爲一鄉之巨擘乎哉矧配呂氏內則素嫻婦  
道無虧助丈夫以四子一女一女既賢四子皆秀既有克家  
之令子又有克肖之賢孫或盡力於田疇或潛心於典籍後  
日光大門戶可預卜也此固先世諸公之流澤長歟抑亦翁  
之上有以紹乎祖德故下有以貽孫謀耶今歲譜牒告竣翁  
也親勸其事竭厥職盡厥心懷甌陽之法遵蘇子之規嗣是  
彝倫攸叙詩書濟美非華山之功而誰之功歟卽後之覽是  
譜者亦將有感於華山

峕

龍飛乾隆二十九年歲次甲申夏月 穀旦

葵東眷弟蔣德成拜撰

○榮恩公安人麻氏節傳

傳曰賢德者昌淑德者光此固理之自然也夫人之所以親  
歷辛勤貞節不搖以求無愧於天地者初無有心以基後福  
也而彼蒼者天自豐其報哉今梅溪有麻氏安人有可表焉  
夫麻氏而歸於金門者閨房燕昵靜女其流夫婦好合相敬  
如賓舉丈夫子二女一歲在己未不幸而夫已故清夜自思  
亦覺無如何子少女幼田園荒蕪心之憂矣我安適懷兮孰  
知天道無親有德自應具風霜高潔之心柔順承天抱冰清  
玉潤之志安貞應地勤儉治家堪比德於敬姜剛柔相濟足  
嗣音於太妣是時族內之長幼老弱孰不曰麻氏有淑德之  
人也雖其時命途多舛屢被患難而其佐理之心自若子有  
室矣女有家矣而且蘭孫濟匕抑且厦屋渠匕原陽芸匕矣



此誰施之而繫麻氏以如是耶可見賢德者昌此固理之自然也嗚呼豈非天哉豈非天哉

肯

龍飛乾隆二十九年歲次甲申蒲月 穀旦

葵東眷弟蔣德斌拜撰

○榮璋翁行傳

古之所謂豪傑之士必其所挾持者甚大而其志願爲甚遠也然求之於當世亦幾寥々而無人矣余不意於梅溪得其人焉其人爲誰曰榮璋字昌臣號恆山驟而觀其貌則甚古徐而聆其語則甚迂旣而察其行事則又盡端此予之傳所由來歟然猶不敢遽然以書也又將訪之於東翁學盛兄有相與言者曰榮璋吾姻弟也其人守正不阿端慤可風出一言而言以取諸中孚展一行而行以準諸無妄迹其器量含宏巍々蕩々恢漢高之大度才識簡嚴戰々兢々用周文之小心卽至族內排難解紛亦靡不從公此其所挾持者何如而其志願又何如也致合劉氏賦性貞靜內則素嫻勤儉治家雞鳴相警遂助丈夫以子一子諱元熙天姿明敏不比彫

蟲之技特達穎異堪作棟之材觀其父子依比無愧豪傑之稱且也孝以事親固見子職之無忝嚴以勗子又見父道之克敦循分自盡家有君子之風國課早輸門無胥役之跡余是有以知翁之所挾持者盡大而其志願誠盡遠也謂之豪傑洵不誣矣就纂修譜牒而論翁亦率作相先而無退諉之情其有功於先人而流澤於後世也爲何如乎予欲表揚之於當代恨才疏學淺不能枚舉其事蹟聊出俚句以略見其梗槩云爾

嘗

皇清乾隆二十九年歲次甲申仲夏月

穀旦

葵東眷弟蔣德成拜撰

○明禮公傳

嘗謂吉人爲善惟日不足是知善也者德之著也惟人具渾至之德則凡見之於耳聽言動之常施之於日用往來之際莫非善之流行於其間也吾於巖屋得一諱明禮字文樂號仁山者有是焉按公秉性溫良端方誠樸常以守身爲本德義爲先其持己也服儉躬勤其待人也謙冲和平綱紀家庭咸無失德之舉即排難解紛鄉里中人皆仰其有爲德配佳人內助賢良孝公姑和妯娌婦道克盡而且賢子賢孫耕者耕讀者讀橫經負耒之餘世之可忻可羨者一皆置之於度外他日田連阡陌光大門戶可預卜也余適共理家乘略悉素行敢陳俚句以彰有德云爾

嘗



龍飛乾隆二十九年歲次甲申蒲月 穀旦

安仁吳紹天拜撰

○榮祥公行傳

今夫有德者必有言是知言者心之聲也求之於今亦寥寥無幾矣余也於梅溪中竟得一人焉諱榮祥字昌瑞號崇山乃明韜公之令嗣實孔順公之裔孫也素性好修稟質明敏存其心養其性樂乎道安乎義遐邇週知蓋已久矣茲予親炙顏範深悉其情知翁之爲人慷慨剛直體度雄偉不畏豪強不貧饒寡言必酌乎理行必準乎義端方自持不棄耕作纘承前業克紹箕裘敦倫睦族倡修宗譜其所以佑啟後人者咸以正無缺且元配湯氏續配楊氏皆爲閨門之淑女婦中之丈夫雞鳴相警鼓瑟鼓琴他日螽斯衍慶麟趾呈祥自可預期迨考其素履幼失怙恃克自立以成家無易由言凜耳屬於垣之戒識可謂有德之士人中之稀族中之偉也

昔

乾隆廿九年歲次甲申端陽月 穀旦

樂安吳紹天拜撰

○榮標公序

士先器識而後文藝古今來優於才者薄於德代不乏人所  
以王楊盧駱貽誦於有識之士也若溪平榮標公則異是  
翁爲明龍公之冢君昆季二人早年失怙孝事安人孺慕之  
情至久彌篤處家庭骨肉之間謹於禮不踰尺寸與人交接  
坦懷樂易藹然如春風之可挹端方自勵不逐時趨借詩酒  
娛情未嘗炫才於人而才卓卓者迥異書云惟孝友于兄弟  
施於有政是亦才與德兼見之地而必待賡歌廊廟始見其  
才與德也抑亦陋矣玉人應氏優於內治郎君秀挺鳳起蛟  
騰指日金章可期則天之報才德之士正未有艾也是爲傳

昔

乾隆二十九年歲次甲申仲夏月 穀旦



卷之二  
三  
睿弟王均明世庸氏拜撰

○溪平榮保公序

翁諱榮保字昌壽者秉性溫和情篤孝友效端木之貨殖媿陶朱之經營披星戴月不辭勞瘁家漸豐裕遇鄉黨之貧窮者輒賑之絕無德色曰吾不過以少有餘者資於人違計人之以德報也處家庭骨肉之間謹於禮不踰尺寸恂也如不欲以言見長隱惡揚善持己以謙足跡不履公門傳有之一鄉之善士其先生之謂歟

皆

龍飛乾隆二十九年歲次甲申夏月

睿弟王 璠廷玉氏拜撰

○金村昌泮翁傳

蓋文者行之表也實之所由著也而務實行者必得其人以文之斯可彰於世而傳於後夫榮芹翁者務實行士也諱榮芹字昌泮係明茂翁之子孔龍翁之孫也生平務實不求人知未及道翁之實以表翁之行也幼讀詩書壯習耕作事雙親怡顏悅色出南畝而盡力三時耕三餘一耕九餘三見親朋而雅度遇宗族而謙恭今年春聞本宗修葺譜牒深愧先世失修肩任竭理輕財以濟人和宗而睦族正名定分啟後承先有千古之盛者德必畱其各於百世而傳瓜瓞於縣縣試爲之贊曰翁居鄉里品行最佳克勤克儉不矜不誇整綱飭紀如琢如磨淑人張氏宜室宜家後昆多育家道亨嘉丕昭令德氣象巍峩流光積厚燕翼遺休蘭芳桂馥百祿優游

今遇宗譜重修聊舉大略乃書之以爲康酌之侑云耳  
乾隆廿九年歲次甲申夏月 穀旦

樂安眷弟吳鑑英拜譔

○榮文公贊

公諱榮文字昌周乃明略公之幼子也爲人梗直吐詞有章不作非理之事不接負義之人由乎規矩之中不涉囂塵之地當時家業微艱幸承祖宗之德澤而且兄弟怡怡共成家計效田氏之家風良有以也再堪羨者建造宗祠挺身向前凡百公事無不美舉而贊襄也元配呂氏能執婦道雞鳴戒且續絃麻氏亦有淑德之賢子二元相元裘俱克勤克儉現孫五亨豹亨鳳亨忻亨友亨忠嶄然頭角將來與祖父爭光未可艾也書曰有德者必有壽其斯之謂歟

○榮輝公贊

公諱榮輝字昌昱明通公之令器也爲人質性耿直行事端方不尚奢華不事詭譎喜面相逢笑容可掬有愛人之意無利己之心款待親朋致恭致敬飭躬脩己無諂無驕當族衆議修譜牒公爲樂從協力勸勤惜譜未告竣而公已逝世仙遊矣噫公殆以承先啟後之事報先人使先人得安於九泉之下乎配陳氏內助賢能治家嚴肅生三子元棟元廷元和皆能務農力穡勤儉持家有爲有守確有乃父之風焉未始非公之教誨有以致之也公亦齒德兼隆也哉

○黃壤頭亨豪公行傳

書曰積善之家必有余慶種德之人世卜其昌吾嘗持斯語以驗斯人乃知天道福善之理非虛語也卽如諱亨豪字宗



聖號德巍者於福善之說有合焉其生平之處心積慮言不  
過差行無過舉正直持身和平處世事親以孝常存愛日之  
誠撫幼以慈時著有容之度宗族鄉里咸相珍重又得楊氏  
之配賢淑內助貞靜幽嫺待尊卑和妯娌其心不二非天之  
報種德何以聯育子女有室有家繞膝多孫繩屨振以而且  
身享安康家道饒裕瑟琴靜好夫婦諧和不爵而榮不祿而  
富居然太平逸老而優游於高天厚地之中也哉吾側聞其  
行誼未遑細述聊敘其大概以見天道福善之報為不誣云  
爾

皆

乾隆廿九年歲次甲申夏月 穀旦

樂安眷弟吳紹天拜撰

○界溪元濬翁五代同堂榮壽序

今夫德者壽之根壽者德之徵德與壽固並行不悖者也我  
嘗觀東翁金氏而竊有以知之矣翁諱元濬字汝禮榮略公  
之子也少習勤耕壯明世務負嚴毅之性存耿介之心穎異  
過人實有先民之風範淑配章氏三從允協四德無虧舉丈  
夫子四長亨斌幼讀儒書長存仁義生平喜樸素不尚浮華  
居家勤儉款洽賓朋而未嘗有憤言厲色之侵人里黨中有  
雀角是非無不向前解釋鄉人咸蒙其德澤再堪羨者事母  
父而孝敬盡道處昆季而友愛兼至廣置田園創建棟宇老  
而益壯日與子姪輩躬課稼穡則多黍多稌家業由是而日  
豐合族重修宗譜舉公為董理公即欣然樂從則公之有志  
於承先啟後睦族和宗概可知矣次亨文性剛而心直言出

而理明三亨星誦讀超凡四亨乾爲人質直處世謙和居家  
整飭訓子義方事兄如父事嫂如母亦有長兄風度孫男十  
零君欽君燮君曾君仲君思君颺君光君獻君華君佐俱品  
格超羣晉孫五方志方意方坤方茂方稔駟然可觀而長孫  
君欽狀貌魁奇言詞正直長曾孫方志立心慷慨豁達大度  
少年老成克體曾祖與祖父之志元孫清耀頭角崢嶸將來  
有司聞於臬使奏聞於

朝寵錫品爵冠帶榮身可預卜矣今翁年登八旬有二精神矍  
鑠步履安康慶衍益斯目覩五代豈非翁積德之所致哉吾  
故曰德與壽並行而不悖也余任梓於公族往來交際深知  
公之實行但才疏學陋不能頌翁之盛德故直書所見所聞  
者詳載家乘無墜乃翁之家風云爾

昔

嘉慶六年孟春月 穀旦

古麗蔭庠生章梅峰拜撰

○元瑜公傳

公諱元瑜字汝奇榮彩公四子也幼失怙恃家業凋零艱苦  
備嘗不可勝紀厥後躬勤隴畝志切經營沐雨櫛風胼手胝  
足不數年間而家業煥然一新自是廣置田園連阡連陌營  
建堂室爰處爰居欸賓朋雍乚有禮待親戚整乚有條大事  
不敢糊塗細行亦盡謹慎立心仁慈未嘗少形刻薄接人恭  
敬不敢稍露驕容矜孤恤寡敬老憐貧公之善行抑何多歟  
元配楊氏幽嫺貞靜相敬如賓惜乎天不假之以遐齡續絃  
陳氏孝舅姑和妯娌溫柔淑慎確有柳母之賢不幸早赴瑤



池之宴又續劉氏弄璋再咏長亨義次亨宗俱能助父以成家而長君亨義胸懷豁達度量過人勤儉操家克承先志蘭孫五人魁奇卓犖晉孫獨立頭角崢嶸異日光宗耀祖昌大門閭其發祥之兆正未可量也則天之所以報施善人者誠不爽矣

○元勳公傳

公諱元勳字汝猷榮陞公次子也其人溫厚醇謹作事周詳喜習堪輿玩遊山水鄉人咸感其德焉更可嘉者事親孝道菽水承歡尊敬長上和睦鄉鄰有仁厚長者之風淑配楊氏內助賢能勤理家政生三子亨爵亨錦亨綉俱能撐持門戶品格不凡後日大貽謀而宏燕翼可預卜矣今值家乘輯修略書數語以爲之傳

○梅溪口元鳳公贊

翁操行端莊持家勤儉處世溫良年高德邵內直外方元配王氏敬戒無違克相夫子孫枝挺秀協兆禎祥永垂後裔奕世流芳

○梅溪口元豹公贊

爲人志趣高曠練達才能存心正直言行剛方襟懷倜儻迥異尋常知過必改知善能爲後嗣昌熾蘭桂馨香

○亨才翁行傳

翁仁德人也渾厚質成何異璞玉之未琢剛直性縱儼若白璧之無瑕律身也而謹信交盡處世也而情理兼融溫恭而

待親朋寬和以睦鄰里德配劉氏克相夫君事上而敬至愛  
周出於天性待下而仁至義盡發於至誠德之積於身者既  
至澤之流於後者自光乃元奇翁之令嗣也繼志述事不減  
先人遺風則古稱先克纘當年舊德所以盛植三槐昌及五  
世迄今堂構依然爰居爰處兼之田園廣植連陌連阡宜其  
世以子孫相守弗替絲瓜瓜賦昌熾無窮也古云莫爲之前  
雖美勿彰莫爲之後雖盛勿傳其此之謂歟

昔

乾隆二十九年歲次甲申夏月 之吉

樂安眷弟吳鑑英拜撰

○梅溪口亨熹翁行傳

古之作傳者一言一行之善必樂爲之書雖表已往實所以  
示將來也今聞梅溪口勝地有諱亨熹字宗盛者有可述焉  
夙秉異姿英偉不俗其持己也嚴正可風其待人也溫恭足  
挹出言有敘有倫處事無偏無倚而且排難解紛片言可折  
約信揆義一絲不移是誠鄉民中之傑出抑亦家乘之所當  
採錄者也況宗盛之爲人幼年老成克從先人之志循規蹈  
矩確有君子之風效端木之貨殖比陶朱之經營孝以事親  
固見子道之無忝嚴以勗子又見父道之克敦足跡不入公  
門歲時早完國課致合張氏賦性堅貞勤儉治家雞鳴相警  
助丈夫以三子諱君鼎君爵君瑞天資明敏不比彫蟲之技  
特達穎異堪作棟棟之材今遇修家乘略敘俚句以表云爾



肯

乾隆二十九年歲次甲申夏月 之吉

樂安眷弟吳鑑英拜撰

○梅溪口亨豐翁行傳

嘗讀書有曰君子敬而無失與人恭而有禮四海之內皆兄弟也余不意甌山得其人焉諱亨豐字宗隆自幼著各孝友推重黨宗其交也以道其接也以禮其行己也恭其事上也敬遐邇欽仰其爲人也矜氣節樂交遊慷慨好施扶濟人急善爲人排難解紛柔不茹剛亦不吐杜季良之豪俠黃叔度之丰標兼而有之而且善承先志克壯其猷家道興隆大啟爾字淑人董氏婦工與婦德兼至冢嗣君蕃克儉與克勤交盡次子君萼卓犖魁奇昆季二人有田氏紫荆之風爲人至此豈非祖德之所積而致哉余遇重修譜牒才學疏淺略敘一二以表之是爲序

肯

之吉

樂安眷弟吳鑑英拜撰

乾隆二十九年歲次甲申夏月

○君振公傳

塙頭勝地乃余 翁諱君振之故土也翁之為人生平樂善  
 上焉尊親敬祖孝行共推鄉里下焉睦族敦倫禮讓聲震四  
 方且劉氏姑婆于歸丈翁嫻婦德習婦工淑慎著於宮闈修  
 婦言飾婦容幽貞存於壺內協心問視勤儉克家振翁之嘉  
 言懿行誠累也矣今振翁壽近古稀嗣君孝養愈篤晚年康  
 壯如柏如松白髮和諧鼓琴鼓瑟謂非生平所積而致哉即  
 二表舅長曰方賢次曰方高同表姪清啟輩家道興隆益斯  
 衍慶亦無非丈翁姑婆之所積而致也茲逢家乘重修聊敘  
 一二以呈

昔

乾隆廿九年歲次甲申林鐘上浣之吉



樂安表姪壻吳鑑英拜撰

○登仕郎元謙公紀略

今夫為善於家而家人是則是效為善於鄉而鄉人且歌且頌信善士也人世間不能多得余閱東甌之永嘉離城百里許地各有溪下者而得一人焉諱元謙字汝昌號岫齋公者乃榮高公之哲嗣孝義公之裔孫也其人胸襟豁達度量寬洪言詞正直好善樂施不拘於勢利不役於風塵不侮鰥寡克化強梁鄉閭間有雀角之爭公無不向前剖決其或有款於經費者公即解囊相贈不計酬償之有無而且新堂構創祠宇俱公為首倡至今噴吐人口鄉邦咸仰其盛德賢配楊氏鐘川鄉飲賓理泉公之女也幽嫻貞靜妯娌和諧勤紡織主中饋有敬姜氏之風規舉丈夫子二長亨淳賦性溫良言行忠直寬和處世耕鑿持家重修家乘綜理獨任毫無

推委有尊祖敬宗之意追遠報本之誠大亨萼天姿明敏穎  
異過人生平好書傳常談古事以勉人蘭孫君滄君海君儻  
悉露珪角嶄然可觀異日昌熾正未有艾也非公之端本正  
直之報曷克臻此迨我

國朝恩例錫爵職受登仕郎冠帶榮身隱居不耀書曰作善降  
祥易曰積善之家必有余慶皆可爲公誦也茲因盛族華牒  
重修余不辭鄙俚略敘其梗概以垂不朽云  
峕

嘉慶六年歲次辛酉蒲月下澣 之吉

松山章梅峰拜撰

○元佩公傳

竊惟萬物一體天地所以能久老安少懷聖德所以無疆蓋  
天地戒殺而好生聖人替天而育物詩云民之秉彝好是懿  
德此皆人情之所共樂而今昔之所同也余觀金氏盛族有  
諱元佩字汝智乃榮恩公次嗣也其人幼讀儒書長敦孝友  
嚴君早逝孀母是依行事有靈變之機處世有優游之樂勤  
於隴畝不貪意外之財慎其交遊不飲無名之酒公之善行  
種也足稱更可欽者事母而色養俱至教子而義方克盡子  
輿氏之孝道賈燕山之家風兼而有焉淑配楊氏敬戒無違  
殷勤績維善主庖廚不減孟光之賢卻有敬姜之德所以福  
自天申澤與世永庭前玉樹共著四美之稱階下蘭孫得合  
中至之慶非公之好善樂施安能如是哉今值家乘修葺略



述其生平附載簡末亦以見作善降祥書言果有憑也是爲傳

肯

嘉慶六年歲次辛酉蒲月 之吉

松山胡 玠竹軒氏拜撰

○元鼈公行略

今夫大節無虧闢風者尚稱道而不置況翁之行噴以人口乎公諱元鼈字汝占榮彩公之幼子也少失怙恃性最靈明未受寒牕之苦卻有儒雅之風迹其生平言笑不苟動靜有常居家勤儉教子有方事兄嫂如父母待鄰里如家人而且立身正直有守有爲奇志耕耘克勤克敏出作入息不辭胼胝之勞累寸積銖廣置膏腴之產棟宇創連雲之美壘簾有叶韻之歡公之境遇何其隆歟髮配林氏尊敬夫君睦和妯娌內助堪稱人言無間有太妣之遺風比孟光之賢淑舉丈夫子四長曰亨禮次曰亨祚賦性淳謹實能助父以興家三曰亨清幼曰亨亮力穡務農亦克體親之志願各花開綉閣灼灼標獨秀之奇蘭孫長庭階濟濟符十全之慶異日亢宗

耀祖其所以大過人者乃翁積德之餘慶也今當輯修宗譜聊表數言以爲後人所觀感云爾

松山章珠美拜撰

○金氏南溪序

蓋聞金氏始自古婺遷於東甌肇居梅溪分派五雲各曰南溪九曲三峽水五嶽十二峰決爲汝漢排爲淮泗節彼南山維石之巖以瞻彼淇澳菜竹之猗以太陽山聳萬仞之高胡石洞顯千秋之聖巍以磊壘之各山潺以瀑練之流水斯爲盤谷之幽耶且四時之實景春有茗芽鵲舌白筍紫苑此味之清也夏發蘭桂碧綠萬葢千葩此花之豔也六穀種美秋收冬藏倉廩帑庫滿足食足丁此地之富庶也是以長者耄耄之尊翁有雲昇雲明廷麟等挺身倡議通譜歸宗萬派同源如江漢之朝于海千枝一本若瓜瓞之有其根當事者治世之英賢主筆者詩書之文士奕世名宦之家歷代總宰之裔昭穆有序行第有倫非余褒讚實爾令先祖衣紫腰金特



生宰輔經邦論道代有名人故得世傳譜牒誌先人貴顯之  
榮列子孫興旺之兆也

肯

康熙十三年歲次甲寅夏月

應公雄拜撰

○南溪伯清公行傳

公乃漢朝侍中曰碑公之遺裔孟遠公之後嗣也公穎異不  
凡學雖少而性敏百家技藝不待學而能及成人廣交遊善  
談論往往以忠孝感人而人無不健羨之且家稱其孝族稱  
其弟見善則喜而爲之遇惡則畏而遠之淑配潘氏賢而有  
德奉公姑和妯娌未嘗有不一之處公之孝與凡人大不侔  
矣況外父母無嗣年高八旬早晚菽水之供定省之禮愈恭  
愈敬斯人世之鮮有者也特敘其懿行載之譜後以爲後人  
所觀感而則效焉可矣

○南溪雲川公高壽序

老者稱耆人世所欽故歷朝史冊亦備書之以昭國家之文

物但北土之老人今不再見五雲之耆者世難多得求其有  
龐眉鶴髮得五福之一者其惟南川之金公平公諱伯清字  
世明號雲川景開公之次子也享年九旬有六則與仙都所  
聚者五其志願之優游同也雲臺所會者九其襟懷之順適  
均也南川所笑者三其情思之逸豫似也則公之爲公不亦  
得榮啟期之三樂哉況嗣子四人孔環孔玖孔理孔珙才藝  
兼通皆治世之英傑一椿發四皓德聞於朝  
明帝崇禎旌表其門閭曰閔閔堂第而又賜之以冠帶贈之以  
軒冕猗歟休哉何其榮歟蓋其德格鬼神行同日月天地賜  
之以財丁並榮萬物錫之以眉壽祝晉九如也哉

○伯旺公行序

公父諱景元字惟黃號遜山南溪之隱逸者也居家簡重寡

默行不由徑言不妄發孝親敬長愉悅色菽水之供定省  
之禮內外皆稱其孝豈虛語哉稟性嚴毅方正遇宗族以恩  
信處鄉黨以至誠禮以飾躬義以制行素位而行安分守己  
不願乎其外也配安人王氏德行有準婦人中世之少存也  
篤生三子長伯寄次伯有三伯旺旺公穎悟天縱狀貌不  
凡氣壯而性剛心公而情恕不忤不求無諂無驕孝以事親  
敬以悌長鄉有爭鬪者爲剖釋一言既出二家俱服忠信無  
僞於平昔非賢者能如是乎蓄積粟帛以致於富娶潘氏賢  
孝相敬如賓客誕育五子孔詢孔訪孔訥孔評孔堪也公英  
英俊偉祖德所鐘有大過人之表剛而能柔直而有理不徇  
人之私不受人之譽見不美者遠之遇有賢者近之孝親睦  
族一團和氣斯人間少有者也配胡氏相夫有禮教子有方



本道金氏言詞卷之一  
閨門中之令範也長明胡次明梓三明辛字雲思才德兼全  
孝弟遺嗣念祖不忘修纂宗譜列序揚贊

○明忠公夫婦序

明忠公生爲癸亥終於癸丑年方三百有六甲子夢入泉臺  
名登鬼錄一闔其棺事則休焉昔者星流營壘諸葛孔明亦  
五十一而歸世大丈夫處世視死如歸身非所有天地之委  
蛻莊周之蝶夢也豈有悲號而痛切所最難堪者夫不在而  
婦獨存耳鼓瑟有斷弦之怨長恨者悠々然矣鸞之隻鳳之  
孤海之枯石之爛情焉不泯噫嘻嗟哉余嘆公之逝余尤嘉  
其婦之才而有節也獨宿寡居曾抱柏舟之操教誨式穀克  
盡螺之情而且時々操作勤若敬姜交交弄機巧如蘇蕙  
待賓客分其上下睦子姪皆同此見此故巾幗之丈夫閭閻  
之壺範也哉

○雲英公行贊

英公乃孔珙翁季子也爲人樸素守恆言不妄語事不妄爲  
兄友弟恭克盡天倫樂事夫和婦睦恍似笙磬同音而且勤  
其耕稼善於治家創造蝸居不憚勞苦待親朋如昆仲愛子  
姪如北兒終日恂々君子人也常修身以立命不隱過而飾  
非斯迺保家之實體奚用盜竊夫空名衣祿常豐財用恆足  
茲爲真樂何必千斯倉萬斯箱作富家翁耶

○雲明公行贊

明公者南川之英傑金氏之偉人後世之模範也生平矜氣  
節尚交情不以財之豐嗇爲重輕不以遇之窮通爲去取是  
以一時各士咸樂與遊且交口而稱之曰美哉環公之子清

公之孫也曩者伊尹躬耕於有莘之野非其義也非其道也一介不以與人一介不以取諸人明公效古爲人亦猶是也春來則稼穡冬至則經商順道而行衣祿常足守躬以禮災咎莫侵其子曰明不亦宜乎而且夫婦和順嗣子繁昌如珪如璋如玉如璧或以龍駒稱或以鳳雛比異日光宗耀祖不可爲公之後人預卜也哉

○雲思公行傳

粵自上古之民穴居野處而後世制以宮室則易樸而華矣思公親制房屋三毀三建其勞心苦志可知矣美制度高垣墉其經營之靈巧亦可想矣而且犁雨鋤雲不辭胼胝尊親敬長克盡倫常蓋亦南川中之亭也室人林氏素著溫恭雞鳴戒旦內助有聲熊夢兩占生男有慶長子榮道次

子榮學年雖幼而心靈授以書而能讀幼而學之壯而行之異日爲克家之令子人物之權衡可預卜也是爲傳

○雲峰公行傳

公諱呂生字雲峰乃孔晟公之子也爲人忠厚有餘仁慈無比從姪榮傑嫡子昌盛相待之間恩愛一體言不妄發事不妄爲同出耕稼同入理家叔姪父子隨緣隨分優游和樂不蓄擔石不聚斗糧天地生人豈降無祿龐德公常云人遺子孫財富是危道也故我遺子孫以安吾聞是言吾於公而見其人矣

○雲敬公行狀

夫雲敬公者孔理公之子也世居南川務農爲業其爲人有柳下惠之風焉內和於兄弟外和於鄉邦凡處公私時務一



皆以和出之無見利欲速之情有敬謹小心之意是以人皆帖然而悅服其或有袒裼裸裎而無禮於公側者公以婉言導之以和氣感之而人亦內省自訟咸有以改其前非所謂鄙夫寬薄夫敦也然公之秉性雖和而公之制事有斷彼隨聲附和者則非公之所取也公蓋和而不流者哉今也公雖逝矣鄉里之稱頌公者婦孺一詞吾因援筆書之以爲公之傳誌

○雲星公行傳

五雲之有南川也地雖山鄉而峰巒之環抱泉水之滌洄有天地鐘靈之氣焉所以生其中者雖不能立功於朝廷亦有克勤克儉克寬克仁足爲鄉黨所矜式者則有如雲星公者是也公諱明輻字雲星孔珙公長子也承祖德業紹父家風詩書執禮守東魯之雅言孝悌力田佩西京之明詔若非英才特達豪邁過人其孰能與於此哉親賢禮士對嘉賓而談文重道尊賢求名師而訓子宜兄宜弟怡怡同心猶子比兒愉怡共氣中年失偶夢來炊臼之憂義重如山情斷續絃之喜獨守繇兮重氣節有一子兮振家聲

○雲生公行傳

生公者諱明祿榮叨公之父也體天地覆載之情成萬物能容之度是故以德器論之而德器之宏深猶百川之有河海鱗羽之有虬鸞也而且善於居室可例之以公子荆孝以事親可較之以子輿氏琴弦一斷終身不續所謂歲寒松柏獨傲霜雪者非歟日出而作日入而息與三子同炊共爨父慈子孝恩愛兩至兄友弟恭壘簾承協家無衣蘆之變身與龜

鶴同春吾以是而深爲公羨吾於是而樂爲公傳

○雲卿公行序

卿公一房支派彥光公之嫡裔也年已六十七歲優游守道恬淡無爲不出戶庭不逐名利善士來則迎之惡人至則避之不工不商稼穡爲事不矜不伐勤儉爲心倉廩實帑庫充財有用而食有資養子二人長榮才次榮時木有接枝之理莖葉無辨人有紹嗣之義子孫一體百世之後守產祭葬其義一也

○昌達公行序

公諱榮獻字昌達迺明畢公第二子也忠厚篤實不入游湯之場昆弟有四獨立成家娶室王氏閨玉雙輝長適楊宅次適周家繼嗣有二長各銀媛操家惟勤次名沅王血湖抱養琴弦一斷應氏再續聰慧過人女中之丈夫也陳季常之妻無以過之蘇東坡之獅吼可再咏焉然一適金家創造樓屋家道日隆倉中穀粟陳匕箱裡衣裳疊匕蓋其性雖傲而命美好言太煩而心無毒矣

○昌敬公行實

公諱榮進字昌敬乃明昂公之子也爲人在世農業立身春耕夏耨不勝艱辛室人王氏內助稱能太人占夢有子四人長曰天寶克儉克勤天佑天鳳力穡爲心天洪年幼依戀雙親聰明伶俐亦最可人出作入息舉室欣以家計雖拙何必呻吟積銖累寸有時豐盈謹書數語吾爲公欽

○昌珠公行傳

公諱榮玉字昌珠也明瑤公子行居長也幼失怙恃承祖澤



也壯務農業乃積舍也創建堂構成厥家也倡論通譜公之力也內助王氏四德備也熊羆叶夢三弄璋也長子元姓生不祿也次各元見歸外家也三曰元忠材足誇也助父立業良不誣也膝下文孫成鼎立也積善餘慶公之謂也傳列宗譜亦其宜也

康熙十三年歲次甲寅蒲月吉之

以上俱應公雄拜撰

○元兆翁行傳

翁父諱榮鳳字昌鸞乃伯清公之元孫也考公之生平智慧過人才能出眾其處亡也溫厚和平克勤克儉其接人也肅雍誠敬無忤無誇鄰族有事挺身向前孤苦無依恤憐恐後當時感仰至今猶傳淑母潘氏聰明正直內助賢能識大識小事亡精靈誠女中之丈夫也翁諱鼎官字元兆乃榮鳳公之三子也孝以事親敬以奉長明敏有爲始終無怠循循處亡雍亡待人見善則好而爲之遇惡則勸而化之出言有章存心無僞肯堂肯構家業饒裕至若宗譜欣然倡修分支接派族人仰賴宜配潘氏德性溫良三從無忝四德克嫻篤生三子長進如次岳如三漢如英亡俊秀濟亡才能皆興家子也謂非翁之先世蓄德之所致也哉高忝承雅愛稔知有素

今筆修家乘聊表懿行以垂於後云爾

○梅溪口榮貴公行傳

詩有之瑟兮憫兮赫兮喧兮有斐君子終不可諠兮言盛德至善沒世不能忘若梅溪口諱榮貴字昌顯公者有足誌焉公迺南溪孟遠公之後裔徙居梅溪口景積公之曾孫也公之爲人其行誼有可想見焉其存心也厚其立身也貞事親則盡其孝奉長則篤其敬治家求其實樸訓子教以義方肯堂肯構恢擴財業傑然振作大創一方而且鄉鄰有爭則排難解紛有行善事則好爲樂施寧舍己財以與人無佔便宜以益己行時以之方便作種之陰功爲人若此庶乎近焉配王氏德性溫柔內助賢能篤生二子長元鳳次元豹善繼善述承先裕後皆克家子也而且孫枝繩繩振振五世其昌

家道愈昌愈熾長發其祥謂非公之積德之報也歟今遇修家乘嫡孫亨勳亨豐等念祖德之難忘欲闡發以表揚請余序余迺知根深者枝自茂德厚者子孫興理有固然也如詩所云有斐君子終不可諠兮亦可爲公咏之矣

○梅溪口亨勳翁行傳

嘗讀易有曰積善之家必有余慶斯言豈虛語哉若梅溪口亨勳翁字宗業者乃榮貴公長孫元鳳公之冢子也秉性敦篤不事浮華出言履行真實無僞事親克孝奉長克悌剛則不吐柔亦不茹處事接物義之與比昆仲怡怡和氣鄉黨雍雍有禮教子義方只講耕讀兩圖成家垂後不出勤儉二字六行無愆五福駢集非彬彬然古人風哉配章氏內助多賢生三子長君仁次君義三君禮濟也乎成家之器堂也乎創



守之英而且蘭孫有慶滿門福澤何莫非積德之所致也今因家乘之修略爲翁託其大概云爾

○梅溪口亨杰公行贊

古來高人逸士其可載之國史傳之家乘此固不在衮衣繡裳之輩也梅溪口有諱亨杰字宗俊君者有可述焉君乃元鳳公之三子也秉質不凡聰明正直能孝於親克悌於長昆仲二三怡匕式好子姪蕃衍溫匕弗苛出言必當理處事合乎宜見貧乏者則周恤之遇困苦者能矜憐之守本分以承先德尚節儉以振家業此誠鄉中之善人也非家乘之所當贊揚者乎淑人陳氏四德克全生子有三英匕濟匕以之爲學堪作棟樑之選繩以理家不讓陶朱之富君也處此何樂如之適因家乘之修故表揚以附於後

昔

乾隆丁亥之冬

以上五雲眷弟丁 高拜譔

○南溪亨若公行述

公諱亨若字法如貴官翁次子也賦性溫和若心渾厚居南溪而立業籍東作以成家持己接人靡有所失恤孤憐寡聿著仁慈而且孝親友弟睦族和宗敬謹過於醇儒倘所謂善人質美無須踐跡者非耶嘗考公之志行生平最重讀書每逢儒者爲之致敬盡禮鄉塾延師爭先恐後無論子所受業與否一概禮貌相待歛以誠心蓋崇儒重道人也遇耕者並坐談心惟田園樂事安分守己以及家常訓子數端外凡人

情之淡泊世態之炎涼槩不掛諸齒頰且善自頤養年踰六旬有五而伉儷垂白是所難也元配葉氏溫恭淑慎賢德堪嘉舉丈夫子一諱君南勤於耕作忠厚待人現孫一名方勳器宇不凡頭角嶄然異日之發祥未可量也況亨若公之孝友傳家俱修譜牒竭力勸勸其尊祖敬宗之心良足嘉焉余才疎學淺想其行誼有不可湮沒者因不揣固陋遂執筆而爲之述

峇

嘉慶六年歲次辛酉春月之吉

古葵蔭庠生梅峰章珠美拜撰

○南溪亨文公行略

古者修身莫先於德行貽謀貫存乎忠厚故作善者降祥積德者餘慶此古今不易之理也若五雲南溪有諱亨文字進如者元兆翁之長子也自幼克苦勤儉成家朝耕暮學不辭寒暑之勞積銖累寸漸至倉箱之裕自分爨時情敦同氣誼篤友于訓子姪以勤爲寶謀衣食以儉爲風予閱公之上祖徙自東甌因雲山遠隔來往遂疏公乃有和宗睦族之情慨然倡宗譜合修之議公非一族中之偉人哉髮配吳氏幽嫺貞靜淑慎溫恭四德無虧三從有道內外卻無間言閨中奉爲令範篤產三子長君恩次君憲三君魁俱農事不求人知確有乃父風規一女適木栗岬王瑟琴亦甚靜好孫男四人方欽方鐘方 方鈺皆聰明俊秀振七繩七異日光大門閭



不振家聲未有艾也非公之積德流芳貽謀燕翼烏能有以致此哉於鉞梓於公族得悉公之實行聊敘數語以表其大概云爾

胄

嘉慶六年歲次辛酉春月之吉

婺郡松山章珠美梅峰氏拜撰

○南溪彩雲公行實

大凡德行不足以感人眉壽不足以服世斯固碌比庸人無所用其揄揚者也乃以予觀於南溪彩雲公而竊有感焉公諱君志字彩雲紹章翁之長子也幼讀儒書未游泮水長務稼穡念淡功名然木本水源之情甚切上年秋諸族人議修譜牒擬公爲督理公有敦宗睦族之道嘉言懿行不勝枚舉而其最可欽者莫若大節之克敦爲公略序其生平則見嚴以持躬而動止之容不苟敬以處世而忿戾之色不揚孝友聞於閭里德行著於鄉邦居家不事奢華制行維秉剛直示幼輩以勤儉勸戚黨爲忠良是以一鄉之人民無不奉之爲師長元配本都黃察王氏賢德堪稱孝事翁姑情親如媪勤於治家訓兒媳以紡織慈以御下待諸姪爲比兒輩各出於

諸口噴也不衰舉丈夫子二長方圓次方國俱務農業克承  
父志異日之寢昌寢熾正未可量也非公之盛德曷克臻此  
公年登七旬精神矍鑠健步如初若不存忠厚之心何得享  
耆壽之福書曰作善降祥殆不爽歟茲因任公族譜事屢造  
其宅迹其生平行誼因不自藏疎陋聊表一二以垂不朽云  
峇

嘉慶六年歲次辛酉春月之吉

古葵蔭庠生梅峰章珠美拜譔

○元九公傳

公誠樸無華剛方自矢務實而不務名尚義而不尚利勤理  
室家無論事之巨細而必加意力殫稼穡不問時之寒暑而  
必躬親而且生財有道而日用充盈處事有方而里閭式法  
藹也乎相見以天性敦孝友彬也乎相接以禮誼洽尊親睦  
鄉鄰而辭氣不形其傲慢和上下而酬酢不愆於儀威上承  
父蔭卜啟孫謀創業垂統人也所尤喜者淑配潘氏柔嘉可  
挹敬謹無違範著閨闈舉案齊眉桂茂三樹蘭馨一枝公之  
福德豈易及哉



元善公傳

公洞明世務而能體閱人情雅善變通而不偏徇已見爭忿者曲爲之解釋不平者直爲之處分且雍以乎具禮讓之風恢以乎播寬洪之量雖有拂意之遭未嘗怒形於言縱遇卒然之變未嘗憂形於色事雙親必竭其力待族黨不靳其恩用物宜豐宜儉持躬克儉克勤出則攜鋤而往入則持薪而歸凡度支之出入賓客之款曲無不處之各得其宜一鄉咸稱爲善士云恭人呂氏呈鳳卜之祥情諧琴瑟戒雞鳴之旦夢兆熊羆宜其堂森玉樹四美鐘英砌鬱金蘭一枝挺秀也茲當華乘重輯爰敘其巔末以記美云

○元豪公傳

公剛強不屈果敢有爲遇伯叔兄弟紛爭詬訾者判是非別可否心直口快排之解之不峻弄以釀其禍蓋其處心積慮無此疆彼界爾虞我詐者也至於宗族中有喜慶憂戚之事樂爲之勇往直前不辭跋涉之勞且經營貿易無欺無僞以視世之委曲存心優柔不斷者何啻霄壤是以年週花甲猶辛勤操作如少壯時真有古老成倔強之風配董氏相夫訓子亦壯健如昔產二子長倜儻不羈有乃父風次忠厚誠實謹行慎言女賢淑可嘉皆公之積德所致云

○鄉飲寶亭淳公傳

昔馬伏波之訓子弟曰龍伯高制節謹度吾愛之重之願汝曹效之杜季良仗義捐軀吾愛之重之不願汝曹效之其故

何哉誠以人非有卓絕之才欲建驚世駭俗之舉未有不罹非常之禍而身被惡名者也推斯意也曷若循七乎禮法之中拘七於繩尺之內而爲鄉里之端人哉吾於梅溪金翁想見其爲人焉公諱亨淳者元謙公之長嗣也公之先君與乃弟嘗以鐵冶經商爲事維公素務本業勤勞稼穡事親敬長睦族和宗不爲艱難之事以財之豐嗇爲措施不創非常之原以理之當可爲展布以視世之托豪俠以鳴高借排闥以立異者其人之賢不肖爲何如也至於創修廟宇鼎建宗祠修輯譜牒除道成梁無不慨然倡首又何嘗不好善樂施乎矧公之爲人貌雖古而心則慈色似溫而言甚厲鄰里中間有不明之事公出一言以剖之無不帖然敬服所謂尚有典型者其惟公之老成人乎又何必矜奇眩異而爲高遠難能之事哉公忠信篤敬人也故特表而出之至若閨房靜好內助賢良宜爾子孫桂蘭濟美皆公之積德所致而爲人所共見者也茲不復贅

○鄉飲賢亨萼公傳

嘗讀書有曰不順乎親不信乎友旨哉斯言人烏可不佩服不忘哉然吾竊嘆世之人幼而習焉悵而昧焉往七於家人父子視若途人輒自謂廣交遊好結納呼朋喚友結社要盟迨至凶終隙末二三其德始嘆友之不我信嗚呼何昏昧之甚也而欲求其順親以信友者不戛七乎難哉不意於梅溪金翁諱亨萼者得其人焉公幼習詩書善談古事雖未獲置身士林而所與遊者類多文人學士碩德通儒公果何道以致此而人樂與之同羣哉夫應求非可倖要也臭味非可羅



致也其本敦故其情篤其愛溥故其誼周蓋於鄰里鄉黨藹然而可親伯叔兄弟自怡然而順理用是施之故舊遠近仰其丰裁播之實朋尊卑欽其道範況公年逾古稀手不釋卷每讀書至忠臣孝子義夫節婦不勝擊節歎想其慷慨激烈爲何如乎其生平之信友一本於順親宜爲仁人君子之所共信也元配麻氏繼配麻氏賢淑無出又繼配沈氏貞靜幽閒勤勞不愧敬姜淑慎可擬陸母產八子俱氣宇軒昂度量慷慨承公之志振公之家聲者發祥正未可量也是爲傳

○鄉飲賓亨義公傳

金翁諱亨義者世食舊德載錫之光家室素裕較著明彰田連阡陌滿篝盈箱辛勤拮据納稼築場豐亨裕大黍積稻梁登錢於庫積穀於倉作於公室肯構肯堂渾堅樸素松茂竹

苞敬宗尊祖禴祀蒸嘗淒愴怵惕春露秋霜仰事父母上壽稱觴稽公素履渾厚端方其容甚古其貌似莊色和而婉言直而剛植杖於國飲賓於鄉日用飲養習實爲常蘇杭貿易買賣經商俾昌而熾俾壽而臧佳人淑配儀可爲坊家門整飾燕婉閨房徽音夙著雅韻琚璫篤生桂子氣宇激昂蘭孫俊秀各列宮牆公之曠逸如鳳翔也閒暇無事佻儻徜徉人情世務細密周詳吉人獲佑天降厥祥必恭敬止維梓與桑

○鄉飲賓亨禮公傳

梅溪金翁諱亨禮者積德累功人也按其先世規模宏遠德澤高深五福備而三星全開其先者盛矣而公復有基勿壞豈一朝一夕之故哉於是爰筆而爲之傳曰公之生平力本務農王伯亞旅綿其澤經商營買箕裘弓冶紹其傳席豐亨裕

大之休田連阡陌爽塏著高明之美室築垣墉兆卜牛眠寧  
我祖考祥呈麟趾宜爾子孫而且親知愛長知敬言可法行  
可師兄愛弟也誼協壘篋夫倡婦隨情諧琴瑟家人父子洵  
可樂也伊可懷也猶復愷惻居心慈祥成性切利人利物之  
懷傳可儀可象之則遇公事而踴躍爭先完國課而輸將恐  
後彩以匿而愈明光以韜而更顯安人楊氏夜寐夙興內則  
無忝閨房式好中饋稱能妯娌和而尊卑不踰禮公姑順而  
內外無間言畫荻傳書以母道而兼父道和丸教子實宜室  
而更宜家噫積厚流光德斯盛矣創業垂統福乃隆哉宜其  
綵舞華堂森五株之桂樹香飄玉砌秀十二之金蘭而獲報  
德於無窮也用是宣之於口輝映鄉閭筆之於書冠弁簡策  
謹傳

崑

道光八年歲次戊子仲冬月

穀旦

五雲眷侍生邑庠生應國楨逸亭拜撰

○亨祿公傳

公氣度寬和心思細密出言不形其急遽作事自得其周詳  
剖曲直無不當理陳禮法自能服人而且情深杖杜誼洽壘  
篋凡鄉里公事義舉有機謀而更兼謹慎每願向前以作領  
袖雖連朝接夕竭疲精神亦所不惜故宗祠廟宇公皆與有  
勞焉若闕祭祀鉅典必推公主庖甘旨餽餘一匕願以與人  
不敢私染其指真有陳孺子宰胙之風

欽賜頂服榮身壽逾古稀而逝楊氏安人元協於坤順守乎巽



一嗣太妣之音徵麻姑之瑞菴耄耄未可量也至其室家之咸宜  
內外之各正桂子盈庭蘭孫繞膝皆人所習見云

○亨豪公傳

今夫制行之可傳者不必盡在通都大邑賢士大夫也卽山  
陬海澨之地耕田鑿井之傳亦有不可泯滅者焉金公諱亨  
豪者配楊氏生四子一女質實敦龐人也食先人之舊德男  
耕婦績父作子述凡農桑畜牧日用飲食必親爲之經理是  
以堂構聿新門庭整飭天倫間洵可樂也至於非義非道之  
財必嚴一介之取與無絲毫之假借真貌樸而性執志圓而  
行方求之鄰里中不可多得者也

○亨助公傳

鄴飲賓公諱亨助者元龍公之次子也世以務農爲業或披  
星戴月或犁雨鋤雲日與兄弟子姪種禾於野田之間植豆  
於巖畔之下桑者閑桑者泄十畝之間信可樂也夫人之有  
生祇此日用飲食酬酢往來所處爲極難爾而公之遇親知  
愛遇長知敬與父言慈與子言孝嚴以律身和以處衆公平  
正直廣大寬洪宜其飲賓於鄉而爲人所取法也致合應氏  
德容兼備言工堪欽正位乎內茲其選也郎君四率乃祖考  
負荷著析薪之勞肯構紹肯堂之美孫二儀容秀麗玉立森  
匕發祥正未有艾也是爲贊

○亨澄公傳

古之人有言曰有德者必有言又曰嘉言孔彰是知人之善

於立說者非徒藉口舌以爭衡也若金翁諱亨澄者立言有體秉性剛方杖植於國寶飲於鄉生平一以排解爲務凡疑難事體出一言以剖之人皆帖然敬服先民有作其公之謂與稽公素履殖田疇誨子弟朝早作夜遲眠有怡然順應之象復有確乎不拔之操又得盧氏之配善承公意同衾同袍如友如賓佐盤餐供醉飽內助之良信足多也厥子三承色笑敦手足流火清風深耕易耨卒歲辛勤振公之家聲食公之舊德又孰非公之教澤所及哉謹狀

○亭培公傳

公詳審精密雍容樂易朝乾夕惕安耕鑿之素有守有爲具明決之才人皆務於紛華彼獨敦其樸素人皆習於委曲彼獨出以至誠有定見而無所游移者也而且性極聰明工買

經商無不通曉凡地方之經營貿易者皆倩公以贊其事公亦不憚煩勞而樂與之相赴斯真成人之美者也配麻氏相夫以禮訓子以義生五子善繼善述克儉克勤助父成家孫二岐疑特立氣宇不凡所以光前而裕後者又豈可量哉

○亭隆公傳

且夫天地之間物各有主苟非吾之所有雖一毫而莫取惟稼穡之本務商賈之經營出之以拮据處之以公平此皆吾分之所固有而爲子孫所法守者也能體此意者其惟金公諱亨隆乎公蒼顏古貌蹇謬丰神養性中之天含宏光大種心上之德樂育栽培不趨勢與利無弱孤有幼蓋公惟不損人以利己故人皆與之無凌戾無傾軋也配楊氏歛衽端肅飭貌修容二老白髮齊眉生二子長風流俊采瀟灑出塵



次服勞奉養色笑承顏皆助父成家之器也女一具婉變之姿守中饋之訓非公之立教有方曷克至此

○君武公傳

夫人之相與俯仰優游或取諸懷抱悟言一室之內或因寄所托雖志趨不同而好善慕義之心則一也然人往也自有匿彩韜光不求聞達於世非高自位置以知希爲貴其素志然也若梅溪欽賜頂戴諱君武公者恭慤人也瞻其貌和易可親聆其音溫恭可挹及考其行制節謹度蹈矩循規由乎禮法之中而不敢一毫放軼居恆則藝黍牽車服田力穡雖瑣屑煩苛必親自檢點且急公奉上仗義疎財無懷葛天之民也配湯氏賢淑可嘉三子一女俱丰姿嫺雅磊落瑰奇語云忠厚畱有餘地步其公之謂乎

○君昌公傳

今夫五方之風氣不齊九土之秉受各別人之度量相越不彰明較著哉然賦之自天化之在人擬而議之非通論也而往也有一成而不變者豈得爲通方之人哉予觀梅溪金翁諱君昌者能變化其氣質者也剛而能柔微而能顯怯而能勇不以私害公不損人利己孤寡賴之以周全豪強亦因而懾服生平孝友無虧椿君先逝而慈萱永年奉之尤謹溫清定省之下樂融也而樂洩也者又何必遺考叔之羹而始有所感發而盥起哉公藉祖父之業家頗饒裕春夏耕種歲取十千秋冬經商利獲三倍兄弟叔姪分多潤寡長幼內外法肅辭嚴至於賓朋之往來財利不拘諸衷懷勢分相忘於淡泊寧人負我不使我負人分金之管鮑何多讓焉授命之羊

左庶幾近之賢配麻氏淑慎攸宜播芬芳於筐筥徽音夙著  
鏘雅韻於琚璜正位乎內洵不誣也噫夫以公之爲人利物  
利人修善修福宜其桂子盈庭蘭孫繞膝而獲厚報於無窮  
也爰述其梗概而爲之傳

○黃壘頭方忍公行略

公慷慨豁達雅善變通而不偏執已見凡事必審理之當可  
而後從容道之若遇頑梗不率之輩嚴氣正性面折其非古  
稱不畏強禦公其有焉猶可羨者事父母柔聲下氣訓子姪  
辭嚴義正勤操作則且夕焦勞不遑暇逸雖歉歲亦足以自  
給而且財帛分明不佔便宜凡親友商賈主於其家者皆得  
其歡心而去噫若公之爲人宜其得配偶之賢良繼述之令  
嗣於以光前烈而昌厥後也

○元沛公安人麻氏節傳

夫人之有生足以樹立天壤彪炳古今者曰德曰才其有志  
潔行堅屢經困厄而不能摧折則節尙焉丈夫志四方節著  
於朝廷婦道在中饋節貞於閨闈著於朝廷者人人見之聞  
之後之人從而咏歌唱嘆之其節顯貞於閨闈者見之聞之  
甚寡脫不爲之闡其微窮其隱表而出之則其節之湮沒不  
彰者可勝道哉若梅溪麻氏者年及笄歸於金元沛公姆儀  
是凜婦德克嫻孝敬舅姑和睦妯娌凡內外親舊一皆殷勤  
禮接產一女適羅垺麻循銜乃不數年而公已應玉樓之召  
而以姪亨堯繼其後人咸爲氏危之曰旣亡其夫又乏其嗣  
形單影隻蓋其艱哉而氏益勵冰霜不以單寒而移其志不  
以孤苦而易其操匪石之轉如松之筠匪絮之狂如柏之操



噫若氏之奇節異能宜其傳誦揄揚聳動當事得以上聞而蒙旌表也於是援筆而爲之傳曰百行莫先於孝麻氏之承事公姑敬謹不怠是其孝也立身莫難於節麻氏之青年守志終始不渝是其節也夫孝與節雖學士大夫猶難言之況婦人女子乎然則如金門麻氏者其賢矣乎是宜書之譜牒光我鄉閭與夫簪纓閥閱老成碩彥並傳不朽也已

皆

龍飛道光八年歲次戊子陽月

穀旦

五雲應岐楊氏拜撰

○方志公贊

方志公者君欽公之子五代同堂元濬公之裔也按其先世上承祖父鸚鶴同春下視子孫桂蘭並茂而公復能創業垂統以綿諸奕禩克家之令嗣也故其生平不登高不臨深守髮膚者惕虎尾春冰無馳驅無戲渝樂田園者歷淒風苦雨而且言不妄發事不妄爲變自外來忍人之所不能忍事關切己爲人之所不敢爲剛決果斷而爲人所難也是以伉儷諧而閨房靜好麟鳳兆而膝下瞻依樂融匕而樂洩匕不且縣延而勿替哉是爲贊

○梅溪口方績公傳

公容止可欽道範足式作事必提其要出言必稽其元生平  
一以隱惡揚善爲心凡人之愚魯質實者必誘掖獎勸以成  
其美所務者綱常各教農桑畜牧之外絕無瑣屑煩苛之事  
賢者親而佞者遠言必信行必果上下鄉村無論同異姓無  
不服其明決斯真以禮制身以義制事者也配麻氏賢淑無  
比產三子三女督率尤嚴是以家室和平庭有餘歡書曰作  
善降祥不可爲預卜哉

溫州市

WENZHOU LIBRARY